



Ang Plano sa Dios

R. B. THIEME, JR.
(Visayan Version)

With permission of R. B. Thieme, Jr., Bible Ministries,
this publication is distributed in the Philippines
by Grace Logos Support Philippines, Inc.,
without charge or obligation.

For more information text or call:

(Gihatag pinaagi sa GLSP nga walay bayad o obligasyon.

Para sa dugang pang kasayuran text o tawag:)

Globe: 0906-347-9830

Smart: 0946-142-7563



“Kay maingon nga ang kalangitan hataas pa kay sa kalibutan, sa ingon niini ang Akong mga paagi hataas pa kay sa inyong mga paagi, ug ang Akong mga panghunahuna kay sa inyong mga panghunahuna. Kay maingon ang ulan ug ang nyebe managpangahulog gikan sa langit, ug wala nagbalik didto nga wala nagbisbis sa yuta, ug naghimo niini sa pagpamunga ug pagturok, ug paghatag sa binhi ngadto sa magpupugas ug tinapay ngadto sa kumakaon; sa ingon niini ang Akong pulong nga nagbutyag gikan sa Akong baba; kini dili mobalik nganhi Kanako nga waypulus, nga walay pagtuman sa unsay Akong tinguha, ug nga walay paglampos diha sa butang mahitungud og hain Ako mipadala niini.”

Isaiah 55:9-11

ANG PLANO SA DIOS

R. B. THIEME, JR.



R. B. THIEME, JR., BIBLE MINISTRIES
HOUSTON, TEXAS

PINANSIYAL NGA PALISIYA

Walay bayad para sa bisan unsa nga materyal gikan sa R. B. Thieme, Jr., Bible Ministries. Si kinsa kadtong nagtinguha og pagtudlo sa Bibliya makaangkon sa among [English] mga publikasyon, DVDs, ug MP3 CDs nga walay obligasyon. Ang Dios naghatag og doktrina sa Bibliya. Kami nanghinaot sa pagpadayag sa Iyang grasya.

Ang R. B. Thieme, Jr., Bible Ministries maoy usa ka ministeryo sa grasya ug naglihok sa katibuk-an diha sa boluntaryong mga kontribusyon. Walay listahan sa presyo para sa bisan unsa sa among mga materyal. Walay kwarta nga gipangayo. Kon ang pagkamapasalamaton para sa Pulong sa Dios nagdasig sa usa ka magtotoo sa paghatag, siya adunay pribilihiyo sa pagpaambit ngadto sa pagpakaylap sa doktrina sa Bibliya.

Orihinal nga naimprinta isip *THE PLAN OF GOD* niadtong tuig 1972, 1973, 1992, 2003 ni R. B. Thieme, Jr. Unang edisyon napatik niadtong 1972. Ikaupat nga edisyon napatik niadtong 2003. Ikaduhang impresyon 2014.

Kini nga basahon napatik gikan sa mga pakigpulong ug wa-imantala nga mga sinulat ni R. B. Thieme, Jr.

Aron sa pag-order niini nga libro sa English, kontaka:
R. B. Thieme, Jr., Bible Ministries
P.O. Box 460829, Houston, Texas 77056-8829
www.rbthieme.org

Walay kabahin niining publikasyon nga ipasanay o ipadala sa bisan unsang porma o sa bisan unsang pamaagi, elektroniko o mekanikal, lakip na ang seroks, rekord, o sa bisan unsang sistema sa pagtipig ug pag-abli sa impormasyon, nga walay nakasulat nga pagtugot gikan sa tigmantala.

Ang Kasulatan gikuha gikan sa *THE PLAN OF GOD* nga libro mismo og gihubad sa Binisaya.

Napatik sa Tagbilaran City, Bohol, Philippines. Unang impresyon 2017.

Gihubad ngadto sa Binisaya nga pinulongan ni Jerome L. Salutan.
Gitan-aw pagbalik nila Loida Viva-Telmo, Elina C. Vicoy ug Raflyn H. Salutan.
Napatik sa Tagbilaran City, Bohol, Philippines.

Mga Sulud

Pasiuna..... v

Unum ka mga Pagsugyot 1

 Pagsugyot Uno: Adunay Dios..... 2

 Pagsugyot Dos: Dios Nagpadayag sa

 Iyang-kaugalingon 3

 Pagsugyot Tres: Ang Dios Masabut 3

 Pagsugyot Kwatro: Ang Dios Adunay usa ka Plano 4

 Pagsugyot Singko: Ikaw ang Tumong sa

 Plano sa Dios 4

 Pagsugyot Says: Ikaw Maykaakohan sa

 Dios og usa ka Pagpaminaw 4

Bahin Uno: Kaluwasan 7

 Ang Esensiya sa Katawhan..... 8

 Pagkahibalo–sa-Kaugalingon..... 9

 Mentalidad 9

 Kabubut-on 9

 Konsensiya (Mga Sumbanan ug Mga Sukaranan)..... 10

 Ang Kinaiyang Makasasala 10

Produksiyon sa Kinaiyang Makasasala	12
Lugar sa Kahuyang	12
Panghunahuna nga mga Sala	13
Mga Sala sa Dila	14
Makita nga mga Sala	14
Lugar sa Kalig-on	16
Mga Hilig sa Kinaiyang Makasasala	19
Kaibog nga Sundanan sa Kinaiyang Makasasala	21
Bahin Dos: Ang Magtotoo dinhi sa Panahon	23
Usa-ka-Butang nga Daan, Usa-ka-Butang nga Bag-o	23
Pagbakwi sa Aberiya	26
Ang Karnal nga mga Taga-Corinto	29
Rebound, ang Yawi sa Pagtuman sa Plano sa Dios	35
Grasya Maoy Plano sa Dios	38
Bahin Tres: Ang Magtotoo sa Eternidad	40
Human sa Kaluwasan, Unsa?	42
 Pakapin sa Basahon: Katloag-Siyam ka Dimabakwi nga mga Absoluto ug Usa ka Mabakwi nga Absoluto	 44
Timan-anan sa Kasulatan	53

Pasiuna

Sa dili pa ikaw magsugod sa imong pagtoon sa Bibliya, kon ikaw usa ka magtotoo diha ni Ginoong Jesu-Kristo, siguroha nga ikaw nakahingalan sa imong mga sala sa pribado ngadto sa Dios nga Amahan.

Kon kita mosugid sa atong [nahibaloan] mga sala, Siya maoy matinumanon ug matarong sa pagpasaylo kanato sa atong [nahibaloan] mga sala ug sa paghinlo kanato gikan sa tanang [wanahibaloan, o nahakalimtan nga mga sala] dipagkamatarong. (1 Juan 1:9)

Ikaw dihadiha mosulud sa fellowship uban sa Dios, napuno sa Balaang Espiritu, ug andam na sa pagkat-on og doktrina sa Bibliya gikan sa Pulong sa Dios.

“Ang Dios maoy espiritu, ug kadtong kinsa nga magsimba Kaniya kinahanglang magsimba diha sa [ang pagpuno sa] espiritu ug [bibliyanhon] kamatuuran.” (Juan 4:24)

Kon ikaw wala gayud sa personal nga mitoo diha ni Ginoong Jesu-Kristo isip imong Manluluwas, ang isyu mao ang wala paghingalan sa imong mga sala. Ang isyu mao ang pagtoo lamang diha ni Kristo lamang.

“Siya kinsa nagatoo diha sa Anak adunay waykatapusang kinabuhi; apan siya kinsa wala nagatuman [ang mando sa pagtoo diha] sa Anak dili makakita og kinabuhi, apan ang kaligutgut sa Dios nagapabilin diha kaniya.” (Juan 3:36)

ANG PULONG SA DIOS maoy buhi ug gamhanan, mashait kay sa bisan unsang duhay-sulab nga espada, naglagbas bisan ngadto sa nagbahing nagpabulag sa kalag ug sa espiritu, ug sa mga lutahan ug sa kinauyokan, ug maoy usa ka kritiko sa mga hunahuna ug mga tinguha sa kasingkasing. (Mga Hebreohanon 4:12)

Ang tanang Kasulatan maoy gininhawa-sa-Dios, ug maganansiyahon para sa doktrina, para sa pagbadlong, para sa koreksiyon, para sa instruksiyon diha sa pagkamatarong; nga ang tawo sa Dios mamahimong hamtong, sa hingpit gisangkapan ngadto sa tanan nga maayong mga buhat. (2 Timoteo 3:16-17)

Pagtoon sa pagpakita sa imong-kaugalingon nga aprobado ngadto sa Dios, usa ka trabahador nga kinahanglang dili maulaw, sa hustong nagbahin sa pulong sa kamatuuran. (2 Timoteo 2:15)

UNUM KA MGA PAGSUGYOT

KINI MAO ANG SINUGDANAN sa usa ka kurso sa sukananong pagtoon. Ang atong basahong ton-anan mao ang Bibliya. Ang Dios wala magpadayag sa Iyang plano nganhi kanato pagkakaran pinaagi sa mga panan-awon, mga tingog, mga damgo, o bisan unsang porma sa laktod nga pagpadayag sama sa Iyang gibuhat ngadto sa mga propeta sa Karaang Testamento ug apostoles sa Bag-ong Testamento. Ang Kasulatan mao ang atong bugtong gigikanan sa mga kasayuran mahitungud sa plano sa Dios. Ang tanang napadayag nga kamatuuran sa Dios o doktrina maoy gipasukad diha sa Bibliya.

Busa, pagsinati sa imong-kaugalingon sa Kasulatan sa paggamit og Mga Hebreohanon 4:12 isip usa ka ehemplo. Kini maoy usa ka masayong tahas tungud kay pareho ang Karaan ug Bag-ong mga Testamento maoy gibahin ngadto sa “mga karsada ug kabalayan.” Mga Hebreohanon mao ang karsada; ang numero sa balay mao ang 4:12—kapitulo 4, bersikulo 12. Ang mga Hebreohanon makita diha sa Bag-ong Testamento. Kon gikinahanglan, pangitaa ang nahimutangan sa karsada diha sa timan-anan. Ikaw kinahanglang dili maulaw sa pagbuhat niana.

Karon sa dili pa kita magsugod sa atong pagtoon, kita

kinahanglang magsusi pag-ayo sa unum ka igpasiunang mga pagsugyot mahitungud sa Dios. Kami wala nagtinguha sa pagpamatuud kanila, sa yano aron mosaysay kanila. Kini nga mga pagsugyot maoy mahinungdanong-rekisito alang sa usa ka pagsabut sa plano sa Dios.

Pagsugyot Uno: Adunay Dios

Ang paghunahuna nga adunay Dios mao ang pundasyon para niini nga pagtoon. Bisan kon o wala *ikaw* maghunahuna nga adunay Dios maoy dili usa ka hinungdanon niining tungura. Unsa ang mahinungdanon kanimo mao ang pagbaton sa lohikal ug tin-aw nga panghunahuna. Kon ikaw mag-ingon, “Walay Dios,” ikaw nahimong dikatarunganon ug buangbuang (Mga Salmo 14:1; 53:1-2). Ang usa ka lohikal nga pamahayag tingali, “Pinasikad sa rasyonalismo o empirisismo, walay Dios.” Apan kon ikaw sa bug-os nga mag-ingon, “Ako wala *magtoo* nga adunay Dios”, ikaw nagapakita og nagsumpaking panghunahuna. Kon ikaw sa tinuud wala maghunahuna nga adunay Dios, bisan lamang magpahayag sa konsepto pinaagi sa paghimo og usa ka pamahayag nga nagapakita nga ikaw usa ka lohikal nga tigpangatarungan.

Adunay tulo ka sukaranong mga sistema sa tawhanong panabut:

1. *Rasyonalismo*—nagahukum sa katinuuran pinaagi sa katarungan.
2. *Empirisismo*—nagahukum sa katinuuran pinaagi sa unsa ang imong makita, mahikap, matilawan, madungog, ug masimhot.
3. *Pagtoo*—nagahukum sa katinuuran pinaagi sa pagsalig diha sa awtoridad o kamatinuuron sa usa-ka-tawo.

Sa pipila ka panahon atol sa imong kinabuhi ikaw nagasalig

diha sa tulo ka mga sistema sa panabut. Apan ang sistema nga ikaw nagasalig kaayo makadaot sa imong pagsabut sa katinuuran.

Karon sa dihang ako mag-ingon, “Adunay Dios,” buut ko ipasabut nga ako nagatoo pinaagi sa pagtoo nga Siya anaa sa kanunay—dili isip usa ka minugna sa akong imahinasyon, apan isip usa ka Persona kinsa walay sinugdanan o katapusan. Ikaw tingali mangutana, “Kinsa man ang Dios? Unsa man ang Dios?” Kini nga mga pangutana matubag tungud kay ang Dios mipadayag sa Iyang-kaugalingon.

Pagsugyot Dos: Dios Nagapadayag sa Iyang-kaugalingon

Kon adunay Dios, makagagahum-sa-tanan ug labaw-nga-magmamando, nan mosunud nga ang Dios may kalabutan sa atong pagkaanaa dinhi. Kon ang Dios mibuhat sa tawo, sa makatarunganon Siya magpadayag sa Iyang-kaugalingon ngadto sa katawhan. Kon ang Dios anaa sa kanunay ug Siya mibuhat sa katawhan, nan mosunud nga Siya mopadayag sa Iyang-kaugalingon ngadto sa katawhan ug Siya kinahanglang magpadayag sa Iyang-kaugalingon diha sa usa ka paagi nga ang tawo makasabut.

Pagsugyot Tres: Ang Dios Masabut

Kon ikaw magpadayon niini nga pagtoon, ikaw makakat-on nga ang Dios nagapadayag sa Iyang-kaugalingon nganhi kanato diha sa usa ka paagi nga masabut. Ako magdugang og usa-ka-butang niini nga pagsugyot: Ang Dios naghimo og gihan-ay nga pagsabut tungud kay ang Dios maoy sa hingpit ang pagkahan-ay. Ug ang gihan-ay nga pagsabut sa Dios maoy gipaila diha sa porma sa usa ka plano nga kita makasabut.

Pagsugyot Kwatro: Ang Dios Adunay usa ka Plano

Ang Dios dili lamang adunay usa ka plano, apan ang Iyang plano maoy *perpekto* ug ang Iyang plano nag-apil *kanimo*! Ang pagsugyot singko, unya, nagabalhin gikan sa Dios nganha kanimo.

Pagsugyot Singko: Ikaw ang Tumong sa Plano sa Dios

Kon ikaw makaingon, “Ako maoy usa ka tawo, ako maoy usa ka tawhanong linalang, ako sakup sa tawhanong kaliwatan,” nan ikaw makaingon, “Ang Dios adunay usa ka personal nga plano para kanako.” Kana maoy hinungdan nga ikaw ania dinhi sa kalibutan.

Ania ang punto: Kon adunay usa ka Dios, kon Siya mipadayag sa Iyang-kaugalingon, kon Siya masabut, kon Siya adunay usa ka perpektong plano, ug kon Siya adunay usa ka perpektong plano para sa matag tawhanong linalang og nag-apil kanimo, nan ikaw maykaakohan sa Dios og usa ka pagpaminaw.

Pagsugyot Says: Ikaw Maykaakohan sa Dios og usa ka Pagpaminaw

Ako gusto nga ikaw magmatikud sa pulong nga “pagpaminaw.” Walay gikinahanglan kanimo gawas lang sa andam sa pagpamati. Walay mga gimik—ako gusto lamang nga mohatag kanimo og kasayuran nga ang Dios misangkap pinaagi sa Bibliya. Ang tanan nimong kinahanglang buhaton mao ang pagpamati sa unsa nga ang Dios magsulti pinaagi sa Iyang Pulong. Ikaw walay bisan unsa niining kalibutana nga mahatag ngadto sa Dios gawas sa usa ka pagpaminaw. Bisan kon o dili ikaw maminaw maoy sa hugut imong katungud sa

pagpili.

Kini tingali lahi ra sa unsay imong gidahum, ilabi na kon ikaw naladlad sa “rilihiyon.” Ang rilihiyon mao ang paningkamot sa tawo aron makaangkon og usa ka relasyon sa Dios o ang pag-uyon sa Dios pinaagi sa kinaugalingong mga buhat sa tawo. Ang rilihiyon maglubog sa plano sa Dios ug mag-ilad sa tawhanong kaliwatan. Ang rilihiyon maoy gidisenyo ni Satanas aron mohimo kanimo nga masupakon ngadto sa bibliyanhong plano sa Dios.

Timan-i, ako miingon nga rilihiyon—dili *Kristiyanismo*! Ang bibliyanhong Kristiyanismo nagapahayag nga bugtong ang buhat sa Dios pinaagi ni Jesu-Kristo ang nagasangkap sa pamaagi sa kaluwasan ug sa usa ka waykatapusang relasyon uban sa Dios. Ingon nga “ang kahayag sa kalibutan,” si Jesu-Kristo nagalamdag sa plano sa Dios (Juan 8:12). Ang Kristiyanismo nagasangyaw sa paagi sa Dios sa kaluwasan para sa tawhanong kaliwatan.

Tungud kay ang katuyoan niini nga sukaranong kurso mao ang pag-ugmad sa plano sa Dios, atong balikan pagtan-aw ang mga punto diha sa atong introduksiyon.

1. Adunay Dios.
2. Ang Dios nagapadayag sa Iyang-Kaugalingon.
3. Ang Dios masabut.
4. Ang Dios adunay usa ka plano.
5. Ikaw ang tumong sa plano sa Dios.
6. Ikaw maykaakohan sa Dios og usa ka pagpaminaw.

Kon ikaw magdawat niining mga pagsugyot ingon nga tinuud, nan ikaw nagaila nga ang Dios adunay usa ka plano para kanimo. Apan hinumdumi, ang perpektong plano sa Dios kinahanglang makigbatok sa imong tawhanong kinaiya, imong mga sayup ug mga kakulangan. Walay sapayan unsa kamaayo ang imong hunahuna, ang imong tawhanong kinaiya

dili makaabot sa perpektong sukdanan sa pagkamatarong sa Dios. Ang imong tawhanong kinaiya maghimo og usa ka babag nga magbulag kanimo gikan sa Dios; ikaw dili makabaton og relasyon uban Kaniya.¹ Ikaw dili makauban sa Dios diha sa imong hingpit nga mangil-ad nga kondisyon. Busa, ang Dios nakakita og usa ka paagi sa pagdala kanimo ngadto sa Iyang-kaugalingon; Siya midisenyo og usa ka tulo-ka-bahin sa grasyang plano aron nga ikaw mahimong makaduul Kaniya.

Bahin Uno : Kaluwasan

Bahin Dos : Imong tibuuk-kinabuhi ingon nga usa ka magtotoo

Bahin Tres : Eternidad

Ilalum sa plano sa Dios, ang Dios magsangkap sa tanang-butang diha sa grasya para sa tawo gikan sa kaluwasan hangtod na sa eternidad.² Grasya mao ang palisiya sa Dios sa paghatag sa Iyang waymeritong pabor ngadto sa makasasalang katawhan. Wala gayuy mahimo ang katawhan aron maangkon ang grasya sa Dios. Grasya mao ang tanan nga ang Dios maoy gawasnon sa pagbuhat para sa katawhan pinasikad sa pagluwas nga buhat ni Jesu-Kristo didto sa krus (Isaiah 30:18).

1. Ang babag maoy usa ka dimabuntog nga baluwarteng nagapabulag sa makasasalang tawo gikan sa perpekto nga Dios ug nagapugong kaniya gikan sa pagbaton og usa ka relasyon uban Kaniya (Mga Taga-Roma 5:12). Ang babag gilangkuban sa sala (Mga Taga-Roma 3:23), ang silot sa sala (Mga Taga-Roma 6:23a), lawasnon nga pagkahimugso (Mga Taga-Efeso 2:1), dihingpit nga pagkamatarong sa tawo (Isaiah 64:6a), ang perpekto nga karakter sa Dios (Mga Taga-Roma 3:12b), ug kahimtang sa tawo diha ni Adan (1 Mga Taga-Corinto 15:22a). Tan-awa sa R. B. Thieme, Jr., *The Barrier* (Houston: R. B. Thieme, Jr., Bible Ministries, 2003). Sa umaabot, mga sangang-reperensiya ngadto sa akong mga libro mokutlo lamang sa magsusulat, titulo, petsa sa pagmantala (diha sa unang reperensiya), ug panid (mga panid).

2. Thieme, *A Matter of Life & Death* (1990); *Giving: Gimmick or Grace?* (1990), Pakapin sa Basahon A.

BAHIN UNO: KALUWASAN

Ang plano sa Dios para sa imong kinabuhi magsugod didto sa krus. Ang krus mao ang yawi ngadto sa plano sa kaluwasan. Sa dihang si Jesu-Kristo nagbitay didto sa krus taliwala sa langit ug yuta, Siya gihukman para sa matag sala sa tawhanong kaliwatan—miagi, karon ug umaabot (Juan 3:16, 36; 2 Mga Taga-Corinto 5:21; 1 Pedro 3:18; 1 Juan 2:2). Siya nahimong puli para sa atong pagkasad-an; Siya midawat sa silot sa sala para kanato. “Siya Mismo mipas-an sa atong mga sala diha sa Iyang lawas didto sa krus” (1 Pedro 2:24a). Bisan kinsang myembro sa tawhanong kaliwatan mahimong maluwas ug makabaton sa usa ka waykatapusang relasyon uban sa Dios sa yanong pinaagi sa pagtoo diha ni Jesu-Kristo isip Manluluwas.

“Too diha ni Ginoong Jesus, ug ikaw maluwas.”
(Mga Buhat 16:31b)³

“Ug walay kaluwasan pinaagi ni bisan kinsa kanila; kay walay laing ngalan ubus sa langit nga gihatagan diha sa katawhan, nga pinaagi hain kita kinahanglan maluwas.” (Mga Buhat 4:12)

Apan sama kadaghan sa midawat Kaniya, ngadto kanila Siya mihatag og katungud nga mahimong mga anak sa Dios, *bisan pa* ngadto kanila kinsa nagatoo diha sa Iyang ngalan.” (Juan 1:12)


Ang unang bahin sa plano sa Dios magpasig-uli sa hingpit nga pagkadaotan sa tawhanong kinaiya uban sa Iyang

3. Ang tibuuk mga Kasulatan niini nga libro gikutlo gikan sa New American Standard Bible (NASB) Ang sinanggaang komentaryo nagpadayag sa pagpalapad sa NASB nga paghubad nga gitudlo diha sa klase sa Bibliya nga mga panudlo (anaa sa [English] MP3 CD gikan sa R. B. Thieme, Jr., Bible Ministries, Houston, Texas).

pagkabalaan, usa ka pulong nga nagapasabut sa Iyang perpekto nga pakamatarong ug hustisya. Sa dihang nagtudlo og usa ka sukaranong kurso sa teyolohiya, ako sa kasagaran magsugod pinaagi sa pag-usisa sa karakter sa Dios, ang Iyang divine nga esensiya.⁴ Pero, karong panahona ako magsugod sa usa ka pagtoon sa imong esensiya aron nga ikaw masayod ngano ang Dios kinahanglang mosulbad sa problema sa babag nga anaa taliwala kanimo ug Kaniya.

Ang Esensiya sa Katawhan

Ako magsugod kanimo ingon nga ikaw gipakatawo. Ikaw wala nasayod niini nga katinuuran, apan sa panahon sa lawasnong pagkatawo ikaw mahimong usa ka tawo nga adunay usa ka kalag. Ang kalag mao ang dimakita, dimahikap nga esensiya sa tawo, ang tinuud nga tawo. Ang diyagrama nagapakita sa esensiya sa tawhanong kalag diha sa pagkatawo ingon nga kini nagagikan sa Dios.



ESENSIYA SA KALAG

4. Thieme, *The Trinity* (2003), 5-16.

PAGKAHIBALO-SA-KAUGALINGON

Sa dihang ikaw natawo, ikaw wala nahibalo sa imong pagka-anaa. Unya sa dihang usa-ka-tawo mitawag kanimo pinaagi sa imong ngalan, ikaw mitubag. Sa dihang ikaw nakakita sa imong-kaugalingon diha sa usa ka salamin, gihiusa nimo ang imong ngalan uban sa imong panagway. Sa kadugayan, ikaw nasayod sa imong-kaugalingon isip usa ka tawo.

MENTALIDAD

Sa wayduhaduha, ang mentalidad sa usa ka bag-ong-natawo nga bata wala pa naugmad; kon dili man basin, siya makasulti sa batid sa higayon sa pagkatawo. Ang bokabularyo kinahanglan gayud makat-onan; ang mga pulong kinahanglan gayud nga hiusahon. Ang tanang kahibalo nga panghunahuna maoy makab-ot pinaagi sa bokabularyo, mao nga ang imong bokabularyo masibotong magpiho sa imong abilidad sa pangatarungan.

KABUBUT-ON

Ang kabubut-on maoy tighimog-desisyon sa kalag. Ang kabubut-on sa usa ka bata maoy sa kompleto gikontrol pinaagi sa iyang palibot. Tungud kay siya walay bokabularyo, ang usa ka bata dili makasulti og, “gigutum ko.” Ang tanan niyang mahimo mao ang pag-ukab sa iyang baba ug mohilak. Sa dihang ang usa-ka-tawo malimot sa pagpakaon kaniya o pag-ilis sa iyang dayaper, ang kabubut-on sa usa ka bata mahimong usa ka paningog nga pagpadayag. Apan kini dili usa ka sa hingpit naugmad nga kabubut-on.

KONSENSIYA (MGA SUMBANAN UG MGA SUKARANAN)

Ang usa ka bata matawo nga walay mga ngipon, pero sila moturok ra. Maingon usab, ang usa ka bata matawo nga may usa ka konsensiya, apan kini wala magsulud og usa ka sumbanan o sukaranan. Kini sa hinayhinay mag-ugmad pinaagi sa sosyal, akademiko, ug espirituhanong pagbansay. Sa dihang ang bata sa kadugayan makabaton og mga ngipon, sa kadugayan siya mag-ugmad sa mga sumbanan ug mga sukaranan. Apan kadtong mga sumbanan ug mga sukaranan maoy depektoso tungud sa kinaiyang makasasala.

Ang Kinaiyang Makasasala

Ang kinaiyang makasasala sa pagkahingpit magpahugaw sa katawhan nga walay bisan usa ang makaduul sa perpektong esensiya sa Dios o sa pagpahimuut Kaniya. Bisan pa *dili* usa ka bahin sa kalag, ang kinaiyang makasasala maoy sentro sa rebelyon ngadto sa Dios, ang gigikanan sa tentasyon aron supakon ang Dios. Ang kinaiyang makasasala nagatinguha sa pag-impluwensiya ug pagkontrol sa kalag. Kining mangil-ad nga kinaiya miabut sa pagka-anaa isip usa ka sa laktod nga resulta sa orihinal nga sala ni Adan.

Busa, maingon nga pinaagi sa usa ka tawo [Adan] ang sala [kinaiyang makasasala] misulud sa kalibutan, ug ang [espirituhanon] kamatayon pinaagi sa sala, ug tungud niini ang kamatayon mikuyanap ngadto sa tanang katawhan, tungud kay ang tanan nakasala man. (Mga Taga-Roma 5:12)

Ang kinaiyang makasasala nagapuyo diha sa selyulang estruktura sa lawas ug maoy gipasa sa kaliwatan pinaagi sa

pagpaliwat gikan ni Adan ngadto na padayon sa tawhanong kaliwatan (Mga Taga-Roma 6:6; 7:5, 18).⁵ Waylabot si Jesu-Kristo, ang matag tawo maoy natawo uban ang usa ka kinaiyang makasasala.⁶ Ako natawo nga anaa niini; ikaw natawo nga anaa niini. Ang labing matahum nga batang gamay nga ikaw sukad masukad nakakita adunay usa ka kinaiyang makasasala!

Ang mga inahan maka “ooh” ug “ah” ngadto sa ilang mga batang gagmay og nag-ingon, “Dili ba siya maanyag!” “Dili ba siya dalaygon!” “Tan-awa ang akong bililhon nga batang gamay!” Apan nasayod ka ba sa taras sa Dios ngadto sa mga batang gagmay? Ako magpakugang kanimo. Ang mga batang gagmay maoy dimadawat ngadto sa Dios. Kita magtan-aw sa pisikal nga panagway sa usa ka batang gamay, apan ang Dios magtan-aw sa kinaiyang makasasala. Busa, walay sapayan unsa kadaghang katawhan ang magdayeg sa katahum ug kainosente sa usa ka batang gamay, hinumdumi: Bugtong usa ka batang gamay ang sa bisan kanus-a nahimong matahum sa Dios—si Jesu-Kristo!

Ang hinungdan nga ang Dios nakit-an si Jesu-Kristo nga matahum apan ang tanang laing mga batang gagmay kubus pa kay sa kamadanihon maoy dili tungud sa unsa sila kon tan-awon. Ang mga batang gagmay maoy dimadawat sa Dios tungud kay sila natawo nga patay sa espirituhanon—nahimulag gikan sa Dios (Mga Taga-Roma 5:12; cf., Mga Taga-Efeso 2:1).⁷ Si Jesu-Kristo mao ang bugtong batang gamay sukad natawo nga walay usa ka kinaiyang makasasala ug busa maoy sa perpektong madawat sa Dios (1 Pedro 2:22). Atong tan-awon

5. Ang kinaiyang makasasala mao ang “karaang tawo” diha sa Mga Taga-Efeso 4:22 (KJV); ang kinaiya ni Adan diha sa “unud” diha sa Mga Taga-Roma 8:3-4; ang prinsipyo sa “sala” diha sa Mga Taga-Roma 7:8-20. Tan-awa sa Thieme, *The Barrier; The Integrity of God* (2005), 65-70.

6. Tungud kay ang pagkatawhanon ni Kristo gipanamkon pinaagi sa Balaang Espiritu, Siya natawo nga *wala* ang sa genetic nga napormang kinaiyang makasasala (Mateo 1:18). Tan-awa sa Thieme, *The Blood of Christ* (2002), 10-11.

7. Thieme, *The Barrier*, 5.

ang mga batang gagmay gikan sa panglantaw sa Dios. Ako natawo nga patay sa espirituhanon; ikaw natawo nga patay sa espirituhanon. Waylabot si Kristo, ang matag tawo kinsa sukad nahiabut o kinsa sukad mahiabut sa tawhanong kaliwatan maoy natawo nga adunay kinaiyang makasasala ug patay sa espirituhanon.

Pipila ka katawhan adunay sayup nga idiya nga sa unang higayon ikaw makasala sa personal, ikaw mamatay sa espirituhanon. Dili tinuud! Bisan pa ikaw natawo nga buhi sa lawasnon, sa niana nga samang higayon ikaw maoy natawo nga patay sa espirituhanon. Ang Dios dili maghukum kanimo gumikan sa mga pagbuhat og personal nga sala. Ang Iyang taras wala gibasi diha sa unsay imong nahimo, tungud kay isip usa ka bag-ong-natawo nga bata ikaw wala pa nakabuhat og maayo o daotan. Ang taras sa Dios maoy gibasi diha sa kamatuuran nga ang imong pisikal nga lawas nahugawan pinaagi sa kinaiyang makasasala ug ikaw patay sa espirituhanon.

Samtang ikaw mag-ugmad sa lawasnon ug sa pangisip, ikaw magsugod sa paghimo og mga buhat sa personal nga sala. Ang unang mga pulong nga tingali imong malitok mao ang “Mama” o “Dada.” Sa kadugayan ikaw moingon, “*Dili*, dili ko!” Kini mao ang imong kabubut-on nga nagtubag sa imong kinaiyang makasasala. Matag kinaiyang makasasala adunay daghang mga pamaagi ug magbunga sa naghingaping kamaayo ug kadaotan. Busa, aron sa pagsabut sa imong-kaugalingon, ikaw kinahanglang makasabut sa imong kinaiyang makasasala.

Produksiyon sa Kinaiyang Makasasala

LUGAR SA KAHUYANG

Ang kinaiyang makasasala adunay usa ka lugar sa kahu-
yang nga hain ang tanang tentasyon para sa personal nga sala

naggikan.⁸ Anaay tulo ka mga kategoriya sa personal nga mga sala.

Panghunahuna nga mga Sala. Unsa man ang panghunahuna nga mga sala? Garbo, pangabubho, pagbatig-kapaitan, pagdumut, pagkamapahimaslon, pagkadimapuypuy, kasina, mga pagbatig sad-an, kahadlok, kabalaka, kahingawa, kalooy-sa-kaugalingon. Kini mao ang daotan-kaayong mga matang sa mga sala tungud kay sila sa madali mahimong usa ka hugpong sa mga sala nga maoy magun-ubon sa espirituhanong kinabuhi.⁹ Tungud kay kitang tanan nagahuput og usa ka kinaiyang makasasala, ang matag usa kanato sa dili madugay motugot sa pipila niining panghunahuna nga mga sala.

Karon, kon ako magsugod sa paghisgot mahitungud sa mga sala, ayaw kahimong mapanalipdanon. Kon akong ‘matumban ang imong mga tudlo-sa-tiil’, hinumdumi lamang, nga ako wala gayud nagsunudsunud kanimo. Usa ka sekreto diha sa pagkaton mao ang ‘pagpabiling kalmado.’ Relaks! Ikaw lagmit usa ka grabeng makasasala sa panghunahuna. Ikaw wala maginusara. Walay usa nga tawo sa tawhanong kaliwatan, gawas ni Jesu- Kristo, kinsa wala nakabuhay og panghunahuna nga mga sala sa matag karon ug unya. Pipila sa mga Kristohanon bisan gani mahimong ‘sumpaysumpay-nga-mga-makasasala.’¹⁰ Apan, ang punto nga akong gusto nga imong mahinumduman mao nga kini maoy usa ka *kategoriya* sa sala. Unsay imong *gihunahuna* malagmit usa ka sala—usa ka panghunahuna nga sala.

8. Ang tentasyon sa pagpakasala maoy dili sala mismo. Bugtong sa dihang ang imong kabubut-on nagatugot sa tentasyon ikaw nakahimog usa ka personal nga sala. Ang gigikanan sa tentasyon mao ang kinaiyang makasasala. Ang gigikanan sa personal nga sala mao ang imong kabubut-on.

9. Thieme, *Christian Integrity* (2002), 173-82.

10. Ang sumpaysumpay-nga-pagpakasala mao ang pagtukod og usa ka sala ibabaw sa lain. Tan-awa sa Thieme, *Isolation of Sin* (2000) 10-12.

Mga Sala sa Dila. Kini nga kategoriya nagalakip sa pagpakaulaw, paghukum, pagdaogdaog, paglibak, pagsaway, ug pagpamakak. Ikaw siguro magtinguha sa pag-ila sa pipila niining maong mga sala isip malisyosong pagpakaulaw. Pagmatikud giunsa ang dila sa paghulagway diha sa libro ni Santiago:

Sa ingon usab ang dila maoy usa ka gamayng bahin sa lawas, ug *bisan-pa* kini nagapanghambog og dagkong mga butang. Tan-aw ug paminaw, unsa kadako sa usa ka lasang nga gipadilaab pinaagi sa usa ka gamayng kalayo! Ug ang dila maoy usa ka kalayo, ang *mismong* kalibutan sa pagkadaotan; ang dila maoy gipahimutang uban sa atong mga bahin ingon kana nga maghugaw sa tibuuk lawas, ug magpadilaab sa dagan sa *atong* kinabuhi, ug maoy gipadilaab pinaagi sa impiyerno. (Santiago 3:5-6)

Usa ka palito, usa ka бага, ug ikaw makapaugdaw sa usa ka lasang. Usa ka pulong makamugna og tibuuk dakong-kadaot sa imong kinabuhi ug sa mga kinabuhi sa uban.

Makita nga mga Sala. Ang makita nga mga sala maglakip sa ubang mga tawo, sama sa gibuhat sa mga sala sa dila. Mao nga tataw kaayo, ang ubang katawhan maapektohan pinaagi sa imong kinaiyang makasasala. Pagpatay, pagpanapaw, paghuboghubog, ug pagpangawat maoy makitang mga kalihukan nga ang Bibliya nagahingalan isip mga sala (Exodo 20:13-15, 17; Mga Taga-Roma 13:9).

Aduna usab daghang mga buhat nga nasalaag ug kaugalingong-kamatarong nga katawhan nagtawag og malapason, apan ang Bibliya wala. Kining mga katahapan nga mga kalihukan mahimong moabut ngadto sa waybisan-unsang labaw pa kay sa mga butang-ginadili o personal nga

mga pagpihig. Ikaw tingali adunay mga butang-ginadili gikan sa imong relihiyosong kasinatian ug tingali sa matinuuron nga nagatoo niining mga butang-ginadili nga maoy mga sala. Tungud lang ba kay *ikaw* nagahunahuna sa usa-ka-butang nga ang usa-ka-tawo nagabuhat maoy usa ka sala wala magkahulugan nga ang *Dios* maghukum niini isip sala. Ikaw kinahanglang magpabilin sa unsa nga ang Bibliya magsulti.

Kon ikaw nagahunahuna nga ang pag-inum og usa ka basong bino maoy usa ka sala ug ang usa ka tawo dili mahimong espirituhanon ug makasadya sa usa ka basong bino sa panihapon, kana maoy usa ka butang-ginadili, dili usa ka sala. Ang Bibliya wala mag-ingon, “Ikaw dili mag-inum og usa ka basong bino sa panihapon.” Sa pagkatinuud, ang Bibliya nagasaysay nga ang bino diha sa kasarangan lamang mahimong makaayo (1 Timoteo 5:23). Bugtong ang paghuboghubog maoy gisaway diha sa Bibliya (Mga Taga-Roma 13:13).¹¹

Walay usa niini ang malapason sa pagsul-ub og pula o itum o sa pagsunud sa imong kaugalingong mga hilig mahitungud sa bisti. Ug motoo ka niini o dili, kini dili malapason para sa kababayan-an sa pagbisti nga madanohon. Pipila kaninyo adunay kalisdanan niini tungud kay kamo sa kanunay miila sa kababayan-an kinsa magsul-ub sa tinong mga matang sa sinina o pangpagwapag dagway nga kubus kay sa katalahuron. Ikaw tingali nakasaway sa kababayan-an kinsa ikaw miila nga nakatunub sa linya sa pamatasan. Ang maong paghukum maoy usa ka ehemplo sa pagpangdili ug personal nga pagpihig nga masalaypong nagasaway sa mga Kristohanon nga adunay mga ganahan o mga kasinatian nga lahi gikan sa imong kaugalingon.

Daghan kaninyo adunay usa ka malipayong personalidad ug pipila kaninyo adunay usa ka masulub-ong personalidad.

11. Pipila sa katawhan ang kinahanglan nga dili gayud moinum og bisan unsang ilimnong makahubog tungud sa usa ka kahilig ngadto sa panghuboghubog. Tan-awa sa Thieme, *Daniel Chapters One through Six* (1996), Pakapin sa Basahon H.

Pipila kaninyo maoy malimbasugon ug pipila kaninyo maoy sa natural ang kakalma. Pipila maoy sa taliwala, dili kaayo malipayon ug dili sa tinuud nga masulub-on. Ang mga Taga-Scotland magtawag niana og mug-oton. Dili usa ka sala ang pagpahiyum; dili usa ka sala ang pagmug-ot. Ang Bibliya wala mag-ingon, “Ang kinabuhi para sa usa ka magtotoo maoy dili usa ka balhiboong higdaanan, igsoon; ikaw mas maayong magpahayag og usa ka maligdong nga panagway. Ayaw gayud pangahas pagpahiyum bahin sa bisan-unsang-butang tungud kay ang Dios nagadumut sa katawhan kinsa mopahiyum.” Sa dihang ang mga Kristohanon mopahiyum o morag adunay maayong panahon, ang mga tigpangdili tingali mopadaplin ngadto sa usa ka suuk ug moingon, “Tan-awa kadtong waypulus nga katawhan; sila dili kaayo espirituhanon, di ba?” Ang imong personalidad dili maoy sukdanan sa imong espirituwalidad. Ang pagbaton og usa ka mabibo o mauban-ubanong personalidad dili usa ka sala.

Sama sa kalag nga dimakita, sa maong paagiha ang kinaiyang makasasala maoy dimakita. Bisan pa niana, adunay usa ka Persona kinsa nakakita sa imong kinaiyang makasasala sa matag higayon ug kana mao ang Dios. Samtang ang imong kinaiyang makasasala magtintal sa imong kalag sa pribado ug ang imong kalag magtugot sa o magsukol sa tentasyon sa pribado, sa matag higayon nga ikaw makabuhay og sala, sa bisan unsang kategoriya, ang Dios nakakita sa sala.

LUGAR SA KALIG-ON

Dugang pa ngadto sa mga sala gikan sa imong lugar sa kahuyang, ang imong kinaiyang makasasala usab adunay usa ka lugar sa kalig-on nga gikan hain ikaw magmugna og maayong mga binuhatan. Gitawag og tawhanong kamaayo, kini nga mga binuhatan maoy gihimo diha sa gahum sa “unud.” Parehong magtotoo ug dimagtotoo nga naggamit sa ilang

kaugalingong mga kabubut-on ang magbunga og tawhanong kamaayo. Ang maayong mga binuhatan nga gihimo pinaagi sa magtotoo ubus sa pagkontrol sa iyang kinaiyang makasasala maoy waykalahian gikan sa maayong mga binuhatan nga gihimo pinaagi sa usa ka dimagtotoo.¹²

Ang Bibliya nagamando sa manggiloy-ong mga buhat sama sa pagpakaon sa gigutum, pagbalay sa waypinuy-anan, paghatag ngadto sa kabus ug nagkinahanglan, ug sama nga mga buhat sa kalooy (Isaiah 58:7, 10; Ezekiel 18:7-8, 16-17; Santiago 2:15-17; 1 Juan 3:17) ilalum sa mga balaod sa divine nga katukuran. Para sa dimagtotoo, ang pagkamasinugtanon ngadto niini nga mga balaod maoy usa ka tinubdan sa lumalabay nga kalipay, apan ang paghimo niini nga mga binuhatan dili gayud magtukod og bisan unsang kredito sa Dios didto sa Dako nga Puting Trono sa Paghukum (Pinadayag 20:12).¹³

Sa wayswerte, kadaghanan sa katawhan maoy naghimo og maayong mga binuhatan sa yano tungud kay sila buut magdani sa Dios ug mosulud ngadto sa langit: sila mohatag og kwarta; sila manglimbasog sa pagtabang sa katawhan; sila magpasakup sa kasimbahanan.¹⁴ Ang rilihiyon maoy usa ka bantugang tigpasiugda sa tawhanong kamaayo. Apan walay lugar diha sa kaluwasang plano sa Dios para sa tawhanong kamaayo (2 Timoteo 1:9). Ang tanang tawhanong kamaayo dinhi sa kalibutan dili makaluwas bisan og usa ka tawo.¹⁵

Unsa ang panan-aw sa Dios sa tawhanong kamaayo?

12. Ang magtotoo nga adunay wamasugid nga sala diha sa iyang kinabuhi maoy dili espirituhanon, apan “unudnon,” gikontrolar sa iyang kinaiyang makasasala. Tan-awa sa panid 25. Tan-awa usab sa Thieme, *Reversionism* (2000), 14-18.

13. Thieme, *The Unfailing Love of God* (2009), 40-43.

14. Kana nga tawhanong kamaayo naningkamot sa paghinlo sa yawan-ong kalibutan maoy dili permanenteng kasulbaran para sa mga problema sa katawhan ug maoy gipasiugda ni Satanas (Deuteronomio 15:11; cf., Mateo 26:11; Juan 8:44). Sila sa dikapugngan adunay daotang mga sangputanan. Dinhi niining diperpektong kalibutan, ang Dios nagsangkap sa bugtong malungtarong kasulbaran—ang personal, usa ka espirituhanon: pagtoo diha ni Kristo ug espirituhanong pagtubo.

15. Thieme, *Slave Market of Sin* (1994), 20-26.

Ang Isaiah 64:6b nagaingon: “Tanan natong matarong nga mga binuhatan [tawhanong kamaayo] maoy sama sa usa ka mahugaw nga saput!”—usa ka hulip-pulong nga pagpadayag para sa usa-ka-butang nga labi pa kaayong maluud.

Tungud kay ang tanang tawhanong kamaayo naggumikan sa kinaiyang makasasala, kini dili makaabot sa mga sukaranan sa Dios, kini walay espirituhanon o waykatapusang bili, ug kini maoy dili gantihanon didto sa langit (1 Mga Taga-Corinto 3:11-15).

Unsaon man nako sa paghulagway ang pagtamay sa Dios para sa tawhanong kamaayo? Siguro ang tanan ninyo adunay kasinatian sa pakig-uban og usa-ka-tawo kinsa maoy tukma nga makataronganon-sa-kaugalingon. Ikaw ba nakadayeg kanila tungud niadto? Tingali wala! Sa dihang ako nagdako, ang akong igsoong-babaye maoy niining paagiha. Ako nakahinumdum sa daghan kaayong mga higayon sa dihang siya maoy husto ug “minudnud sa akong ilong niini.” Sa tanang natural nga mga pagsupak nga sa tibuuk akong naangkon, akong mahinumduman kining usa ra sa kasagaran. Ako nakahinumdum nga nagkumkum sa akong mga kinumo samtang ang akong amahan mipasidaan kanako, “Kon ikaw gani magdapat kaniya, ikaw magbasol niini!” Sa matag sukaranan siya maoy husto, apan ako wala nakadayeg sa iyang kaugalingong-pagkamatarong. Diha sa pipila ka panahon sa imong kinabuhi ikaw tingali adunay kasinatian sa pagkamabatukon ngadto sa usa ka tawo kansang ang mapahitas-ong taras mipalubog sa ilang kahusto. Agig ehemplo, kana mao og unsay pagtan-aw sa Dios sa tawhanong kamaayo: *Ang usa ka hustong butang nga gibuhad diha sa usa ka sayup nga paagi*—usa ka pagsupak nga pagpakita sa kaugalingong-pagkamatarong. Ang Dios dili makatugot niini nga taras.

Ang plano sa Dios nagalihok diha sa divine nga kamaayo,

dili gayud sa tawhanong kamaayo (Mga Taga-Efeso 2:10)!¹⁶ Maingon nga ang Dios maghukum sa sala, mao nga Siya magsalikway sa tawhanong kamaayo. Sa dihang si Kristo namatay didto sa krus isip atong puli, ang problema sa sala maoy nasulbad. Sa maong panahon, ang tawhanong kamaayo maoy gisalikway tungud kay ang buhat ni Kristo maoy divine nga kamaayo.

Siya miluwas kanato, dili diha sa basihan sa mga binuhatan nga kita nakabuhat *diha sa pagkamatarong*, apan sumala sa Iyang kalooy [grasya], pinaagi sa paghugas sa pagkahimugso-pag-usab, ug pagbag-o pinaagi sa Balaang Espiritu. (Titus 3:5, mga italiko gidugang)

Ang isyu diha sa kaluwasan nan mao ang buhat ni Kristo—divine nga kamaayo—batok sa tawhanong mga buhat—tawhanong kamaayo (Mga Taga-Efeso 2:8-9).


Sa pagkakaron ikaw kinahanglang makaamgo nga ikaw nagdala sa tinuud og usa ka putus diha sa imong lawas. Apan aduna pay daghan. Ingon og ang mga lugar sa kahuyang ug kalig-on maoy dili pa igo, ang kinaiyang makasasala usab adunay mga hilig.

Mga Hilig sa Kinaiyang Makasasala

Adunay duha ka mga hilig sa matag kinaiyang makasasala: ang usa paingon sa legalismo, nga mao ang kaugalingong-pagkamatarong; ang lain paingon sa antinomianismo, nga mao

16. Ang divine nga kamaayo maoy bisan unsang binuhatan o mga binuhatan nga gibuhat pinaagi sa magtotoo ubus sa pagpuno sa Balaang Espiritu. Bugtong divine nga kamaayo mao ang madawat ngadto sa perpektong mga sukaranan sa Dios. Bugtong divine nga kamaayo ang adunay tiunay ug waykatapusang bili ug tungud niana madawat ang pag-ila ug ganti gikan sa Dios didto sa langit.

ang pagkamaulagon o wapugnging imoralidad. Sa kasagaran, ang usa ka tawo mobalhin diha sa direksiyon sa iyang naan-dang hilig sa dihang siya maoy ubus sa pagkontrol sa kinaiyang makasasala. Kana mao og ngano nga adunay mga legalista diha sa usa ka bahin, ug mga hedonista diha sa lain. Apan, walay piho nga sundanan. Ang usa makabaton og usa ka sa kadaghanang hilig paingon sa legalismo ug usahay mobalhin paingon sa pagkamaulagon, o anaa sa kaulag ug wadamha maugmad sa usa ka lugar sa kaugalingong-pagkamatarong.



Kaibog nga Sundanan sa Kinaiyang Makasasala

Laing nagpaila sa kinaiyang makasasala mao ang sundanan sa pangibog. Unsa man ang kaibog? Ang kaibog mao ang usa ka diangay, usahay ang dimatagbaw nga tinguha. Kini nga tinguha maoy sama sa usa ka makusog nga tigpadasig nga ang kaibog makalamon kanimo ug makaimpluwensiya sa tanan nimong mga hunahuna ug mga lihoc.

Pag-uyon nga kaibog—tinguha aron nga mailhan, sa pagpataas sa kaugalingon—maoy labing sukaranong hinungdan. Kini mao og nganong ang kabatan-onan maghagit sa usag-usa nga mohimog pipila ka mga butang—aron makakuha sa pagtagad diha sa ilang mga kapareho. Ang mga hamtong nga may pag-uyon nga kaibog maoy sama ra sa kabataan, bisan pa ang ilang mga paagi sa pagkuha og pagtagad tingali labaw pang makikalibutanon. Apan bisan pa og bata o hamtong, ang matag-usa nagalihok sulud sa iyang kaugalingong panghunahuna sa pag-angkon og pagtagad. Pananglitan, ang pag-ila mahimong magsugod sa pipila ka talagsaong lawasnon, binatid, sosyal, o propesyonal nga kalampusan. Ang maong pag-ila mahimong usa ka nagsangkap-sa-tanan nga tigpadasig sa kinabuhi.

Sa wayswerte, ang pagpangdasig sa pag-uyon nga kaibog hayon naaghat dayon sukad pagsugod sa Kristohanong kinabuhi. Kasagarang bag-o, VIP (Very Important Person) nga mga magtotoo maoy giawhag para sa usa ka madramahong testimonyo og giunsa nga sila nakakaplag ni Kristo isip Manluluwas. Ang matag usa buut nga makadungog gikan sa kapitan sa football nga bahan, rayna sa kaanyag, ang malampusong propesyonal, o ang gibantog nga sosyalista. Kini tingali maayong pampublikong kalambigitan, apan kini maoy dikinahanglang Kristiyanismo. Kini nga matang sa pag-ila mahimong molihok isip usa ka makapadasig aron mapataas ang tawhanong kamaayo ug mapagana ang kaibog nga sundanan. Tungud lamang ba nga ang mga magtotoo maoy

VIPs diha sa tawhanong pagbulot-an dili maghimo kanilang labi pang mahinungdanon sa panan-aw sa Dios kay sa usa ka wahiilhing tawo kinsa wala gayud makadawat og pagtagad gikan ni bisan kinsa. Sa dihang si “Mister Gamay” magdawat ni Kristo, siya maoy sama ka mahinungdanon diha sa mga mata sa Dios sama ni “Mister Dako.”

Ug nagbuka sa iyang baba, si Pedro miingon:
“Ako labi pa sa tinong nakasabut *karon* nga ang Dios maoy dili usa aron mopakita sa pagkamapihigon, apan diha sa matag nasod ang tawo kinsa nahadlok [nagatahud] Kaniya ug nagabuhat sa unsay husto [nagabuhat sa plano sa Dios], maoy dawaton Niya.” (Mga Buhat 10:34-35)

Ang pag-uyon nga kaibog magdala ngadto sa gahum nga kaibog. Sa higayon nga ang katawhan magsugod sa pagkuha og pagtagad, sila magtinguha sa pag-organisar adtong kinsa maghatag kanila og pagtagad aron sila makakontrol ug makamaneho kanila. Pipila ka katawhan maoy gilamon sa pakighilawas nga kaibog, nga sila sagad magpuli para sa romantikong gugma. Ang uban adunay materyalismong kaibog, usa ka kondisyon nga naglamon sa kadaghanan sa atong katilingban uban sa dimatagbaw nga tinguha para sa mga kabtangan. Adunay lain nga mga kaibog, apan kini mao ang mga sukaranon.

Ang atong tiunay nga kinaiyang makasasala maoy usa ka wayhunong, mabangis nga kauban. Waysapayan og hain nga hilig maoy maglabaw o giunsa sa atong kinaiyang makasasala sa paglihok, wala *kitay* mahimo sa pagtangtang niini. Bugtong ang Dios diha sa Iyang grasya magsangkap sa kasulbaran sa atong problema sa sala.

Siya mihimo Kaniya kinsa nahibalo nga walay sala *aron mahimong* makasala alang sa atong

kaayohan, aron kita mamahimong pagkamatarong sa Dios diha Kaniya. (2 Mga Taga-Corinto 5:21)

Ang plano sa Dios magsangkap og kasulbaran ngadto sa sala diha sa parehong mga bahin uno ug dos, kay wala lamang kita naluwas pinaagi sa grasya, apan kita magbuhat sa Kristohanong paagi sa kinabuhi pinaagi sa grasya (2 Pedro 1:3-4).

BAHIN DOS: ANG MAGTOTOO DINHÌ SA PANAHO

Sa higayon nga ikaw motoo diha ni Kristo, ikaw adunay pribilihiyo sa pagsulud diha diha sa bahin dos sa plano sa Dios nga akong tawgon og “Operasyon Grasya.” Kini nga plano maoy gidisenyo para kanimo aron maangkon ang kalipay sa Dios pinaagi sa pagkat-on ug paggamit sa hunahuna ni Kristo (1 Mga Taga-Corinto 2:16). Ang hunahuna ni Kristo maoy anaa sa matag magtotoo isip doktrina sa Bibliya. Bisan pa og ang kinaiyang makasasala dili gayud matangtang o mawagtang diha sa bahin dos (Mga Taga-Roma 7:14-25), pinaagi sa ministryo sa Balaang Espiritu (Mga Taga-Galacia 5:16) ug espirituhanong pagtubo diha sa doktrina sa Bibliya (2 Pedro 3:18) ang kinaiyang makasasala mahimong mapugngan, aron nga ikaw makagugol sa mauswagong dugang pang panahon sa pag-alagad sa Ginoo ug nag-ambit sa Iyang kalipay.¹⁷

Usa-ka-Butang nga Daan, Usa-ka-Butang nga Bag-o

Sa takna nga ikaw modawat ni Jesu-Kristo isip Manluluwas,

17. Thieme, *God the Holy Spirit vs. The Sin Nature* (2013).

ang Dios magbuhat sa labing-minos kwarenta ka mga butang para kanimo dinhi sa bahin dos.¹⁸ Apan adunay usa ka butang nga Siya dili magbuhat para kanimo—Siya dili magtangtang sa kinaiyang makasasala! Ikaw adunay, naghulam sa usa ka panultihon gikan sa usa ka kasal, “usa-ka-butang nga daan ug usa-ka-butang nga bag-o.” Ang pagpuyo ug pagpuno sa Balaang Espiritu maoy *bag-o* ug ang imong kinaiyang makasasala mao ang *daan* nga nagpabilin gikan sa imong lawasnong pagkatawo.¹⁹ Ikaw maoy giingon og “natawo-pag-usab” (Juan 3:7). Ang teyolohiyanhong termino para sa natawo pag-usab, o espirituhanong pagkatawo, mao ang pagkahimugso-pag-usab. Sa higayon sa kaluwasan, ikaw milabang gikan sa espirituhanong kamatayon ngadto sa espirituhanong kinabuhi (Juan 3:6) ug ang Dios nga Balaang Espiritu magbuhat diha kanimo og usa ka tawhanong espiritu para sa impyutasyon sa waykatapusang kinabuhi (Juan 3:3-8; Titus 3:5). Ikaw maoy

18. Tan-awa sa Pakapin-sa-Basahon.

19. Ang pagpuyo sa Balaang Espiritu maoy usa ka permanente, absolutong kahimtang nga maangkon diha sa takna sa kaluwasan sa matag Kapanahonan sa Simbahan nga magtotoo (Mga Taga-Roma 8:10-11) nga mag-usab sa iyang lawas ngadto sa usa ka templo (1 Mga Taga-Corinto 6:19) para sa dungan og permanenteng pagpuyo ni Jesu-Kristo isip mao ang Shekinah Glory ug permanente nga pagpuyo sa Dios nga Amahan (1 Mga Taga-Corinto 3:16; 1 Juan 4:13-15). Tan-awa sa Thieme, *The Divine Outline of History: Dispensations and the Church* (1999), 131-33.

Ang pagpuno sa Balaang Espiritu, usa ka temporal, absolutong kahimtang nga maangkon sa takna sa kaluwasan sa matag Kapanahonan sa Simbahan nga magtotoo, magkontrolar o mag-impluwensiya sa kalag sa magtotoo (Juan 14:26) ug mao ang divine nga gahum para sa pagbuhat sa Kristohanong kinabuhi (Mga Taga-Efeso 5:18). Kini nga absolutong kahimtang maoy mawala pinaagi sa pagpakasala ug mabawi pinaagi sa rebound (1 Juan 1:9). Tan-awa ang mga panid 22-24. Tan-awa usab ang Thieme, *Rebound and Keep Moving!* (1993), 11-13; *God the Holy Spirit vs. The Sin Nature*, 6; *Christian Integrity*, 25-26.

Ang Kapanahonan sa Simbahan mao ang pagkakaron nga dispensasyon nga misugod sa adlaw sa Pentekostes, singkwenta ka mga adlaw human sa paglansang-sa-krus ni Kristo (Mga Buhat 2:1) ug motapos diha sa pagkabanhaw o Pagsakgaw sa Simbahan (Mga Taga-Roma 16:25; Mga Taga-Efeso 1:10; 2:1, 5, 8-9; Mga Taga-Colosas 1:25-26). Ang dispensasyon maoy usa ka panahon sa tawhanong kasaysayan nga gihubit diha sa mga termino sa divine nga pagpadayag aron mapadayag ang paghubad sa plano sa Dios para sa katawhan (Mga Taga-Roma 16:25) ug nagatudlo sa teyolohiyanhong interpretasyon sa divine nga panglantaw sa kasaysayan (Mga Taga-Efeso 2:7). Tan-awa sa Thieme, *The Divine Outline of History*, 3, 63-68.

tungud niini natawo-pag-usab sulud sa pamilya sa Dios (Juan 1:12); ikaw maoy Iyang anak (Mga Taga-Galacia 3:26); ikaw maoy gihimong matarong tungud sa buhat ni Kristo didto sa krus (Mga Taga-Roma 3:21-22; 2 Mga Taga-Corinto 5:21; Mga Taga-Filipos 3:9); ikaw mopuyo uban Kaniya sa kahangturan (Mga Taga-Roma 8:38-39). Ang pagkahimugso-pag-usab maghimo kanimong “usa ka bag-ong binuhat diha ni Kristo” uban ang usa ka permanente nga pamilyang relasyon uban sa Dios (2 Mga Taga-Corinto 5:17).²⁰

Dili lamang kana ra, ikaw magsugod sa imong Kristohanong kinabuhi uban sa usa ka hinlong talaan. Ingon ta nga sa panahon nga ikaw mitoo diha ni Jesu-Kristo, ikaw maoy baynte anyos. Sulud nianang gidugayon sa panahon ikaw nakatapak og dimaihap nga mga sala ug maayong mga binuhatan—ingnon ta pipila ka kaliboan. Sa dihang si Kristo namatay didto sa krus ang tanang mga sala maoy gibubu didto Kaniya ug gihukman—matag usa kanila. Sa higayon nga ikaw midawat ni Kristo isip Manluluwas, tanan niadtong kaliboan nga mga sala maoy gipapas.

Apan ikaw aduna pay kinaiyang makasasala nga magtintal kanimo sa pagpakasala ug magwagtang sa fellowship uban sa Dios. Ikaw mahimo pang mapadasig pinaagi sa kaibog. Sa dihang ikaw makasala diha sa bahin dos, ikaw maoy gikontrolar pinaagi sa kinaiyang makasasala ug ang Dios nagatamay niana nga kahimtang.

Ikaw kinahanglang makasabut nga ang kinaiyang makasasala walay bisan unsa nga ang Dios makagamit. Ang kinabuhi sa Kristohanon kinahanglang maglihok pinasikad sa pagkapuno o pagkakontrolar pinaagi sa Balaang Espiritu, wala nakontrolar pinaagi sa kinaiyang makasasala (Mga Taga-Efeso 5:18). Sa dihang ang usa ka tawo maoy gikontrol sa iyang kinaiyang makasasala human sa kaluwasan, ang Bibliya

20. Thieme, *The Prodigal Son* (2001).

nagatawag kaniya og usa ka karnal nga Kristohanon. Ang “karnal” maoy usa ka karaang English nga pulong, usa ka tinuud nga butang-karaan. Gatusan ka katuigan ang milabay, ang “karnal” nagkahulugan og unudnon, ug diha sa Kasulatan ang “unud” usahay usa ka ngalan para sa kinaiyang makasasala. Ang usa ka karnal nga Kristohanon mao ang si bisan kinsang magtotoo—ikaw o ako—sa dihang siya nakasala.

Sa unang higayon nga ikaw makasala human naluwas tingali makapakugang kanimo. Apan sa dili dugay, ang pagpakasala mahimong butang naandan. Kon ikaw magpuyo sa imong Kristohanong kinabuhi nga walay espirituhanong pagtubo—ug pinaagi niana ako nagapasabut nga ikaw wala gayud makakat-on og doktrina sa Bibliya—ikaw mopalambo ug mopahapsay sa imong kinaiyang makasasala diha sa karnalidad. Pananglitan, ikaw tingali makakaplag og mga lagda sa pamaagi sulud sa usa ka tinong lokal nga simbahan—unsa ang madawat sa katawhan ug unsa nga sila dili modawat—aron nga ikaw makakat-on sa pagtago sa imong mga lugar sa kahuyang. Kon ikaw magpabiling ignorante sa doktrina ug unsaon sa pagpugong ang kinaiyang makasasala, ikaw mougmad ngadto sa usa ka primera-klaseng mini. Karon, ang Kristohanong pagpakaaron-ingnon maoy bisan asa ug si bisan kinsang salabutanong dimagtotoo makamatikud niini diha dayon. Ang bag-ong mga magtotoo kinahanglang tungud niini katudloan nga ang Dios misangkap sa mga paagi aron malikayan ang pag-ugmad sa kinaiyang makasasala.

Pagbakwi sa Aberiya

Pinaagi sa pagkat-on ug paggamit sa doktrina sa Bibliya ikaw magkasakang makapugong sa wayhunong nga pagtintal sa kinaiyang makasasala diha sa imong kinabuhi. Apan ang sala sa dikalikayang mahitabo (1 Juan 1:8, 10) ug sa dihang ikaw makasala, ikaw kinahanglang makat-on unsaon

sa paglingkawas sa sunud nga pagkontrol sa kinaiyang makasasala. Ang daotang balita mao nga ang kinaiyang makasasala dili gayud mahimong papason. Apan aniaay maayong balita: Kita adunay mga paagi sa pagkontrolar sa atong kinaiyang makasasala. Ang pagkat-on mahitungud sa pagpalupad og usa ka ayroplano nagsangkap og usa ka kahibulungang hulagway.

Ang imong magtutudlo sa pagpalupad sa sinugdan magdala kanimo ngadto sa usa ka ayroplano ug mag-ingon, “Kini maoy usa ka ayroplano”—hapit mao ra paagiha sama sa dihang ako miingon, “adunay Dios.” Natural, ikaw nahibalo na nga kini maoy usa ka ayroplano. Kini adunay sukaranong mga igkontrolar—usa ka timon ug palilyo sa kambiyada, usa ka sa lumbay sa igtutudlo, ug usa ka balbula. Samtang ikaw gipakita sa nagkalainlaing mga bahin ang magtutudlo nagapatin-aw, “Kini magbuhat sa usa ka tinong kalihukan . . . kana magbuhat sa usa ka tinong kalihukan.” Sa katapusan, ikaw mosulud ngadto sa ayroplano diin siya magpakita kanimo unsaon sa pagbakus ang imong-kaugalingon, ug unya siya magdala kanimo ngadto sa usa ka pagpasinating paglupad.

Diha sa kurso sa pagpalupad nga tunghaan, ang unang teknik nga imong kinahanglang makat-onan mao ang unsaon sa pagbakwi gikan sa usa ka aberiya. Ang usa ka aberiya nagakahulugan nga ang sakyanan sa kahanginan maoy wala magpabilin sa paglupad nga taras. Sa laing mga pulong, ang ayroplano adunay usa ka daotang taras nga mahimong dihadiha nga katalagman. Tungud niini, ikaw una kinahanglang makat-on og pagbakwi sa hustong taras. Ngano man ang magtutudlo motudlo kanimo niini nga teknik og una? Aron ikaw dili mobali sa iyang liog, maingon man sa imong kaugalingon.

Ang pagbakwi mahimong sama ka madramahon ingon nga ang magtutudlo manghinaot nga mahimo kini, nagdepende diha sa kinaiya sa sakyanan sa kahanginan ug kadasig sa magtutudlo. Daghang mga magtutudlo nga gustong motulod

sa palilyo sa kambiyada paabante, paingon ngadto sa usa ka maayong patiurok, ug unya birahon pabalik ang palilyo sa kambiyada nga maghimo sa ayroplano pagpahimutang diha sa iyang ikog samtang ikaw naglingkod didto uban sa imong tiyan nga miduut paingon sa imong dugokan. Unya, “Whoom!” Ikaw mohimo ngadto sa usa ka sama sa ulo-sa-martilyo, usa ka mapintas nga aberiya hain ang simud sa sakyanan sa kahanginan magpatighulog nga pinatindog ug ikaw matapos nga maghayang. O ang magtutudlo sa yano mobira sa balbula pabalik, kaliton kini og palong, ug sa kalit lamang ikaw walay madunggan gawas sa hangin—ang kabanha sa makina maoy nawala. Paubus ikaw mag-unlod samtang ang imong tiyan karon magpaingon sa imong ulo. Ang aberiya nga pagbansay mahimong kulbahinam!

Ang magtotoo nga nagsulay og pagpuyo sa Kristohanong paagi sa kinabuhi ubus sa pagkontrol sa iyang kinaiyang makasasala maoy taliwala sa usa ka aberiya. Sama ra sa pagpalupad og usa ka ayroplano nga walay kasayuran sa pagbakwi sa aberiya nga teknik maoy nangitag katalagman, busa ang magtotoo nga dili makamao unsaon sa pagkontrol ang kinaiyang makasasala nagaatubang og katalagman. Kana maoy tukma nganong ako dili makatudlo kaninyo og bisan unsa pa hangtod nga kamo makahibalo og ‘pagbakwi sa aberiya.’

Ikaw dili makakat-on sa pagpalupad diha sa usa ka aberiya, diha sa usa ka patiurok, o diha sa usa ka patulilik; ikaw makat-on sa pagpalupad kon ang ayroplano naglihok diha sa usa ka normal nga panaw. Diha sa plano sa Dios ikaw dili makakat-on sa espirituhanong mga kamatuuran kon ikaw anaa diha sa usa ka aberiya, ilalum sa pagkontrol sa imong kinaiyang makakasala. Ikaw makakat-on sa doktrina sa Bibliya, samtang atong makit-an sa dimadugay, bugtong diha sa paagi nga ang Dios midisenyo.

Pipila ka mga Kristohanong adunay sayup-nga-pagsabut nga sa higayon nga ikaw magdawat ni Kristo, ang imong mga problema matapos; ikaw dili na gayud makasala pag-usab ug

ikaw magmalipayon. Isip sangputanan, sa dihang ang usa ka magtotoo nga walay doktrina mapakyas, siya tingali magdahum nga siya sa tinuud maoy wala naluwas bisan kanus-a. Siya mangatarungan nga siya tingali nasayup. Siya wala makasabut nga sa higayon nga siya *nagatoo* diha ni Kristo, bisan pa sa sunud nga mga sala ug mga kapakyasan ang iyang kaluwasan dili gayud mahimong mawala (Mga Taga-Roma 8:38-39).²¹ Ang mga magtotoo kinsa nagbalikbalik og pangutana sa ilang waykatapusang seguridad mosulay sa laing mga paagi para sa pagpaniguro-pag-usab ug sa pagpamatuud-pag-usab, apan wala gayud sa tinuud makasulbad sa kalisud. Unsay gikinahanglan sa pagtul-id sa ilang sayup-nga-pagsabut mao ang sa doktrinang pagpahimangno mahitungud sa Taga-Corinto nga karnalidad nga si Apostol Pablo mihatag diha sa 1 Mga Taga-Corinto 3:1.

Ang Karnal nga mga Taga-Corinto

Ug ako, kaigsoonan, dili makasulti nganha kaninyo sama sa espirituhanong katawhan, apan sama sa katawhan sa unud, sama sa mga masusu diha ni Kristo. (1 Mga Taga-Corinto 3:1)

Si Pablo nagsulti dinhi isip usa ka magtutudlo ngadto sa mga estudyante ug siya nagaingon, “Ug ako, kaigsoonan”. Ang pulong “kaigsoonan” nagapasabut sa mga tawo kinsa mihimo og kinadak-an sa tanang mga desisyon—ang desisyon sa pagtoo diha ni Jesu-Kristo—sa pagdawat Kaniya isip Manluluwas. Ang kaigsoonan nagapasabut ngadto sa mga myembro sa pamilya sa Dios. Kita mahimong mga myembro sa Iyang pamilya pinaagi sa pagdawat ni Kristo isip Manluluwas (Mga Taga-Galacia 3:26). Bisin pa niana, tungud lamang ba kay ang Kasulatan

21. Thieme, *The Prodigal Son*, 31-32.

nagatawag kanato og “kaigsoonan,” wala magpasabut nga ikaw kinahanglang magdagandagan nagtawag sa matag-usa og “brad” ug “sis.” Ang pulong kaigsoonan maoy mahinungdanon lamang tungud kay kini nagakahulugan nga ang tanang mga magtotoo maoy mga myembro sa susamang pamilya.


“Ug ako, kaigsoonan, dili makasulti diha kaninyo.” Ani-a si Pablo, ang labing bantugan nga magtutudlo sa tanang panahon, ug siya dili makasulti. Ngano man? Tungud kay kining mga tawhana dili espirituhanon. Dihadiha ikaw maghunahuna, “Nan, kinsa ug unsa ang espirituhanon?” Ikaw tingali bisan pa makaingon sa imong-kaugalingon, “Ako wala mobati og kaespirituhanon.” Unsay bation sa pagkaespirituhanon? Kini ba usa ka daw damgong pagbati sa kahitas-an nga ‘gibayaw?’ Usa ka pagkahibalo sa presensiya sa Dios? Usa ka pagkatagbaw diha sa imong pagkamatarong? Dili gayud! Ikaw maoy espirituhanon sa dihang ikaw gikontrolar sa Balaang Espiritu ug unsay imong gibati walay labot kini. Kon ang Dios nga Balaang Espiritu nagakontrol sa imong kinabuhi, ikaw maoy espirituhanon.

Ang espirituwalidad maoy usa ka *absoluto*. Sa bisan unsang takna, bisan kun ikaw napuno sa o gikontrolar sa Balaang Espiritu o ikaw gikontrolar sa kinaiyang makasasala. Ikaw mahimong espirituhanon nga naglabad ang ulo; ikaw mahimong espirituhanon nga gibatig kaluya; ikaw mahimong espirituhanon ug maayo ang gibati; ikaw mahimong espirituhanon ug katulgon; ikaw mahimong espirituhanon ug maabtik. Unsay imong pagbati walay kalabutan sa espirituwalidad. Ang espirituwalidad mao ang pagkontrolar sa Balaang Espiritu sa imong kinabuhi (Mga Taga-Efeso 5:18).

Ikaw kinahanglang gikontrolar sa Balaang Espiritu aron sa pagkat-on ug paggamit sa doktrina sa Bibliya ug pagbuhat sa bahin dos, maingon nga ikaw kinahanglan maglupad diha sa hapsay nga panaw sa pagkat-on ug paggamit sa mga prinsipyo sa pagpalupad. Ang labing lisud nga aspeto sa paglupad mao ang pagbaton ngadto sa usa ka tul-id nga panaw diha

sa hanging-songsongon o daotang panahon. Maingon usab, ang espirituwalidad mao ang pagpabilin sa imong fellowship uban sa Dios ilalum sa tanang panghitabo. Ikaw dili makakat-on ug makagamit sa doktrina sa Bibliya ug magpuyo sa Kristohanong paagi sa kinabuhi kon ikaw gikontrolar sa kinaiyang makasasala. Tungud niini, ikaw kinahanglang makat-on sa pagbakwi sa aberiya nga teknik aron nga makontrolar sa Espiritu, kay mao ang Dios nga Balaang Espiritu kinsa nagtudlo sa doktrina ngadto sa imong tawhanong espiritu ug naghatag-gahum sa espirituhanong kinabuhi (1 Mga Taga-Corinto 2:12-13).²²

Ang aberiya diha sa Kristohanong kinabuhi mao ang pagkagawas sa fellowship diha sa usa ka kahimtang sa karnalidad. Si Pablo nagpadayag sa iyang kahigawad diha sa Taga-Corinto nga mga magtotoo sa dihang siya nag-ingon, “Ug ako, kaigsoonan, dili makasulti nganha kaninyo sama sa espirituhanong katawhan [gikontrolar sa Balaang Espiritu], apan sama sa katawhan sa unud [karnal].” Tungud sa ilang karnalidad, kining “mga masuso diha ni Kristo” nakahibalog diyutay kaayong doktrina sa Bibliya ug wala miuswag diha sa Kristohanong paagi sa kinabuhi.



22. Thieme, *Giving: Gimmick or Grace?*, 13-16; *Freedom through Military Victory* (2003), 52-53.

Tugoti ako sa paghulagway pinaagi sa duha ka mga lingin. Ang ibabaw nga lingin nagahulagway sa waykatapusang relasyon uban sa Dios; ang ubus nga lingin, sa lumalabay nga fellowship uban sa Dios. Ang matag magtotoo ibutang sulud sa paghiusa uban ni Kristo sa takna sa kaluwasan ug dili na gayud makagawas pa sa ibabaw nga lingin (Mga Salmo 37:24; Juan 10:28). Ikaw walay mahimo sa pagwagtang sa imong kaluwasan. Ang ubus nga lingin nagapaila sa pagkontrol sa Balaang Espiritu sa imong kinabuhi ug maoy gitawag og “fellowship” o “espirituwalidad.” Gawas sa ubus nga lingin ikaw maoy anaa sa kahimtang sa karnalidad diin ang kinaiyang makasasala maoy magkontrol sa imong kinabuhi. Ang espirituhanong magtotoo maoy sa sulud sa ubus nga lingin sa fellowship ug ang karnal nga magtotoo maoy sa gawas sa ubus nga lingin.

Si Pablo nagaingon, “Sa dihang ako nagsulti nganha kaninyo ug kamo maoy gawas sa lingin sa fellowship, ako dili makalagbas nganha kaninyo. Sa dihang kamo maoy sulud sa lingin sa fellowship, ako makalagbas nganha kaninyo.” Si Pablo dili *makahimo* kanila sa pagpabalik og sulud sa ubus nga lingin. Siya dili makapugus kanila pagbalik og sulud sa lingin. Walay usa nga magbuhat sa iyang agianan balik sa sulud sa lingin. Walay usa nga mag-agi sa usa ka sistema sa penitensiya o pagbayad og kuwarta aron makabalik sa sulud sa lingin. Ang pagbalik sa sulud sa ubus nga lingin magkinahanglan og pagbakwi sa aberiya nga teknik. Kita motawag niana nga teknik og “rebound.”

Sa dili pa ikaw mahimong *makakat-on og doktrina*, ikaw kinahanglan og *pagsabut sa rebound!* Si Pablo nagaingon:

Ako mihatag kaninyo og gatas aron imnon, dili gahi nga pagkaon; kay kamo dili pa makahimo sa *pagdawat niini*. Sa tinuud, bisan gani karon kamo dili pa makahimo. (1 Mga Taga-Corinto 3:2)

Si Pablo sa tinuud nangasaba sa mga Taga-Corinto. Sa

tinuud siya maoy nag-ingon, “Tan-awa, kamo maoy gawas sa fellowship. Kamo dili makahimo sa pagdawat og doktrina, ug kamo maoy dili pa makahimo sa pagdawat niini.” Unya siya nagadugang: “Kay kamo sa gihapon unudnon” (1 Mga Taga-Corinto 3:3a).

Sa takna nga ikaw natawo sulud sa pamilya sa Dios pinaagi sa pagtoo diha ni Jesu-Kristo, ang Dios nga Balaang Espiritu magbutang kanimo ngadto sa paghiusa uban ni Kristo. Sa samang higayon, ikaw napuno sa Balaang Espiritu, sulud sa lingin sa fellowship diha sa kahimtang sa espirituwalidad, hangtod nga ikaw makasala. Sa dihang ikaw makasala, sa gawas ikaw moadto! Hinumdumi, ikaw sa gihapon naghuput sa imong kinaiyang makasasala. Ikaw maoy sa gawas sa ubus nga lingin sa dihang ikaw makasala, apan ikaw mahimong makabawi sa bisan unsang takna. Ikaw kinahanglang mahibalo unsaon pag-adto gikan sa gawas nga lingin ngadto sa sulud nga lingin—gikan sa karnal ngadto sa espirituhanon. Ang pagbakwi magkinahanglan sa rebound nga teknik—ang pagbakwi sa aberiya nga pamaagi. Ang rebound mao ang basihan alang sa pagkat-on sa doktrina ug ang yawi sa pagkinabuhi diha sa plano sa Dios ug pagbuhat og divine nga kamaayo.

Kay kamo maoy sa gihapon unudnon. Kay tungud adunay kasina ug panag-away diha kaninyo, kamo dili ba unudnon, ug kamo wala ba naglakaw sama sa katawhan lamang? (1 Mga Taga-Corinto 3:3)

Si Pablo nagahulagway og usa ka matang sa sala nga ang Bibliya nagasaway sa daghang higayon: kasina. Giunsa sa mga Taga-Corinto paggawas sa ubus nga lingin? Pangabubho! Ang pangabubho maoy usa ka panghunahuna nga sala nga magbunga og usa ka sumpaysumpay nga mga sala. Kon ugaling gawas sa ubus nga lingin, ang panag-away mag-ugmad. Unsa ang panag-away? Ang panag-away mao ang pagsumpakiay ug pakig-away. Sa dihang ang usa ka tawo

maoy nangabubho, siya mahimong dimapuypuy ug mangitag panimalus. Kanang tawhana buut nga mopasakit, mopakaulaw, mohingilin, ug mohukum; siya maghimo og usa ka taras sa hingpit nga antagonismo.

Unsay mahitabo kon usa ka grupo sa katawhan ang nalambigit sa sala? Sila magsugod diha sa panghunahunang mga sala ug kini magsangpot sa panag-away. Ang panag-away mao ang kompletong kasukwahian sa usa ka relaks nga taras. Sulud sa lingin sa fellowship, si bisan kinsa mahimong makaangkon og usa ka relaks nga taras. Sa gawas sa ubus nga lingin, ang mga magtotoo maoy ‘nagkagubot,’ nanggi-away sa usag usa. Kini mao nganong si Pablo dili makatudlo og doktrina ngadto sa mga Taga-Corinto. Sila adunay panghunahuna nga sala sa pangabubho nga sila mibalhin ngadto sa “panag-away ug mga pagkabahin.”

Si Pablo nagapadayon: “Kamo dili ba unudnon, ug kamo wala ba naglakaw sama sa katawhan lamang?” (1 Mga Taga-Corinto 3:3). Unsa ang usa ka butang nga imong gidala uban kanimo diha sa Kristohanong kinabuhi? Ang imong kinaiyang makasasala. Ang matag magtotoo aduna! Ang pamulong nga, “naglakaw sama sa katawhan lamang,” nagakahulugan nga ikaw maoy gawas sa ubus nga lingin. Ang “katawhan lamang” maoy sa yano usa ka teknikal nga titulo para ni bisan kinsang wala midawat ni Kristo isip Manluluwas. Sa laing mga pulong, sa dihang ikaw maoy gawas sa fellowship, ikaw nagalakaw, o nagakinabuhi, sama sa usa ka dimagtotoo. Kini tingali usa ka moral o usa ka dimoral nga dimagtotoo, usa ka relihiyoso o usa ka direlihiyosong dimagtotoo, usa ka buangbuang o usa ka salabutanong dimagtotoo, apan ikaw maoy nagkinabuhing sama ra gayud ni bisan kinsang dimagtotoo.

Ang kinaiyang makasasala maoy imong kaaway, apan kini maoy kabahin kanimo—kini maoy dala-sa-pagkatawo. Ikaw dili gayud makalingkawas sa kinaiyang makasasala hangtod nga ikaw mamatay ug mosulud sa bahin tres. Hangtod unya ang Dios nagasangkap sa pagbakwi sa aberiya nga paagi, ang

rebound nga teknik.

Rebound, ang Yawi sa Pagtuman sa Plano sa Dios

Kon kita mosugid [hingalan] sa atong mga sala, Siya maoy matinumanon ug matarong [makiangayon] sa pagpasaylo kanato sa atong [nahibaloan] mga sala ug sa paghinlo kanato gikan sa tanang dipagkamakatarong [kadaotan].
(1 Juan 1:9)

Ang unang pulong “kon” nagapaila sa unsay gitawag og usa ka ikatulong klase nga kondisyon diha sa Griyego. Ang ikatulong klase nga kondisyon nagakahulugan og tingali ikaw mohimo ug tingali ikaw dili mohimo sa pagsugid sa imong mga sala. Sa paggamit sa kabubut-on sa imong kalag, ikaw kinahanglan nga mohukum para sa imong-kaugalingon og unsay imong pagabuhaton. Ikaw makahimo sa positibo o negatibong mga desisyon. Sa dihang ikaw magbuhat sa unsa nga ang 1 Juan 1:9 nagaingong buhaton, ikaw nagahimo og positibong kabubut-on. “Kita” nagapunting ngadto sa tanang mga magtotoo diha ni Jesu-Kristo; ang matag magtotoo aduna niini nga kapilian.

Ang sunud nga pulong “mosugid,” sa yano nagakahulugan og “sa pagsitar, sa paghingalan, sa pag-angkon, o pag-ila.” Sa sinugdan ang mga Griyego migamit sa termino nga nagakahulugan og “sa pagsitar og usa ka kaso.” Ang kaso nga gipasabut sa 1 Juan 1:9 mao ang krus. Ang “atong mga sala” maoy gihukman ibabaw sa krus ug kita sa yano magsitar o maghinganlan niining mga sala sa pribado ngadto sa Dios nga Amahan. Ang pagsugid, o paghingalan sa imong mga sala, wala magkinahanglan og penitensiya. Ang pagsugid wala gani magpasabut nga mobati og kaguul para sa sala o magpakilooy sa Dios para sa kapasayloan. Hinganli lamang ang sala ngadto

sa Dios, sa pribado—dili ngadto ni bisan kinsa.

Nganong sa Dios lamang? Tungud kay ang matag magtotoo maoy usa ka pari ug kinahanglang makigsulti sa laktod sa Dios. Isip usa ka magtotoong-pari ikaw adunay usa ka katungud sa imong pag-inusara nga pagpuyo sa imong kinabuhi maingon nga para sa Ginoo (1 Pedro 2:9).²³ Ingon nga usa ka pari ikaw maoy responsable ngadto sa Ginoo para sa imong mga sala, apan dili ngadto ni bisan kinsa. Si David mibuhat og pagpanapaw, siya mipatay, siya mibuhat sa tanang mga matang sa mga sala. Apan human siya sa katapusan mirebound, siya miingon, “Batok Kanim, Kanim lamang, ako nakasala, ug mibuhat sa unsa maoy daotan diha sa Imong panan-aw” (Mga Salmo 51:4). Ang sala maoy batok sa Dios, usa ka kalapasan batok sa karakter sa Dios. Ang ubang katawhan tingali nahiapil diha sa pipila ka paagi, apan ang magtotoong-pari magsugid sa laktod ngadto sa Dios nga Amahan.

“Kon kita mosugid sa atong mga sala, Siya [Dios] maoy matinumanon.” Ang “matinumanon” nagakahulugan nga ang Dios magtubag sa parehong paagi sa tanang takna. Ang Dios sa kanunay magtubag diha sa grasya ug magpasaylo kanato. Siya wala gayud nahimong dimatinuuron. Wala gayud! Ang pagkamatinumanon maoy usa sa waykatapusang mga kinaiya sa Dios: Siya maoy sa kanunay masubayon.

“Siya [Dios] maoy matinumanon ug matarong [makiangayon] sa pagpasaylo kanato sa atong mga sala.” Ang Dios maoy matarong ug makiangayon sa pagpasaylo sa atong mga sala tungud kay ang atong mga sala maoy gibubu o

23. Sa Kapanahonan sa Simbahan, ang matag magtotoo maoy usa ka myembro sa harianong pamilya diha sa paghiusa uban ni Jesu-Kristo ang Labawng Pari (Mga Hebreohanon 6:17, 20) ug makaambit sa iyang pagkapari (Mga Hebreohanon 7:1, 3). Sa ingon, ang matag Kapanahonan sa Simbahan nga magtotoo sa personal magrepresentar sa iyang-kaugalingon atubangan sa Dios. Ang harianong pagkapari mao ang dimakitang bahin sa Kristohanong kinabuhi, nga mag-apil sa pag-angkon sa sala sa pribado ngadto sa Dios (1 Juan 1:9), pag-ampo (Mga Hebreohanon 4:16), pagkat-on ug paggamit sa doktrina (2 Pedro 3:18), ug komunyon (1 Mga Taga-Corinto 11:23, 26). Tan-awa sa Thieme, *Christian Integrity*, 101-4.

giimpyut ngadto ni Kristo didto sa krus (1 Pedro 2:24).²⁴ Ang Dios nga Amahan mihukum sa matag sala niadtong taknaa ug walay magtotoo gayud nga pagahukman pag-usab gumikan sa iyang mga sala. Tungud sa buhat ni Kristo didto sa krus, ang pagkamatarong ug hustisya sa Dios nga Amahan maoy natagbaw ug Siya gawasnon sa pagpasaylo sa atong mga sala ug “paghinlo kanato gikan sa tanang dipagkamakatarong.”

Ang “pagpasaylo” nagapasabut sa “paghikalimot ug pagpapas.” Ang Dios dili lamang magpasaylo sa gihinganlang sala, nga kita nagatawag og nahibaloang sala, apan sa samang higayon Siya magpasaylo sa tanang nahibaloang mga sala ug magputli kanato sa tanang “dipagkamakatarong.” Ang dipagkamakatarong nagapasabut sa tanang mga wanahibaloang mga sala ug ang mga sala nga atong nalimtan.

Kini mao ang imong pagbakwi sa aberiya; ang rebound nga teknik.²⁵ Ikaw kinahanglan sa kanunay magbaton og hamubong mga tulubagon sa Dios. Sa dihang ikaw makasala, gamita dayon ang 1 Juan 1:9 aron nga ikaw mahibalik sa fellowship ug ubus sa pagkontrol sa Balaang Espiritu.

Kay ang magtotoo kinsa mapakyas sa paggamit sa rebound nga paagi, siya maoy sulud sa usa ka kahimtang sa wayhunong nga karnalidad. Bisan pa siya maoy karnal, siya wala mawad-i sa iyang kaluwasan. Ang Dios nahigugma kaniya sa dihang siya maoy sulud sa ubus nga lingin ug nahigugma gihapon kaniya sama ra sa gawas nianang lingin tungud kay siya maoy myembro gihapon sa pamilya sa Dios. Apan niining tungura, siya makadawat og divine nga disiplin; siya maoy kastigohon.²⁶

24. Ang impyutasyon mao ang lihok sa hustisya sa Dios diin ang pagsilot o pagpanalangin gigahin, gipasidungog, o gipaangkon ngadto sa usa ka tawo. Tan-awa sa Thieme, *The Integrity of God*.

25. Thieme, *Rebound and Keep Moving!*

26. Thieme, *The Prodigal Son*, 17.

“PARA KADTONG KANG KINSA ANG GINOO NAGAHIGUGMA SIYA NAGADISIPLINA, UG SIYA NAGAKASTIGO SA MATAG ANAK KINSA SIYA NAGADAWAT.” Kini tungud sa disiplina nga kamo molahutay; ang Dios magtagad uban kaninyo isip mga anak; kay unsang anak maoy anaa kinsa ang *iyang* amahan wala magdisiplina? (Mga Hebreohanon 12:6-7)

Unsaon niya nga makabakwi? Pinaagi og paggamit sa 1 Juan 1:9—ang pagbakwi sa aberiya nga paagi!

Ang 1 Juan 1:9 maoy dili usa ka lisensiya sa pagpakasala, apan usa ka lisensiya sa pag-alagad. Para sa magtotoo, bugtong kadtong mga binuhatan nga gihimo diha sa gahum sa Balaang Espiritu ang sarang isip divine nga kamaayo ug magdawat og pag-ila gikan sa Dios isip tiunay nga Kristohanong pangalagad didto sa paghukum nga lingkoranan ni Kristo.²⁷ Ang rebound nagatugot sa magtotoo sa paglihok diha sa gahum sa Balaang Espiritu—aron mapuno sa Espiritu (Mga Taga-Efeso 5:18), sa paglakaw pinaagi sa Espiritu (Mga Taga-Galacia 5:16-18). Rebound mao ang divine nga bahandi nga maghimo sa Kristohanong paagi sa kinabuhi nga maglihok. Kini maoy pagsangkap nga grasya sa Dios para sa pagkontrolar sa kinaiyang makasasala ug para sa pag-abante sa Iyang plano diha sa bahin dos (2 Pedro 1:3, 8).

Grasya Maoy Plano sa Dios

Ang bahin dos sa plano sa Dios magsangkap sa matag magtotoo sa usa ka blueprint para unsaon sa pagpuyo sa Kristohanong kinabuhi ug sa paghimaya sa Dios dinhi sa panahon. Apan gawas kon kita makasabut kinsa ang Dios,

27. Tan-awa sa panid 41.

kinsa kita, ug unsay Iyang nabuhat para kanato, ang Iyang plano magpabiling lubog. Wala kanato ang makakuha o takus og unsay ihatag sa Dios kanato—ang tanang butang magdepende diha sa Iyang grasya. Sa pagkatinuud, usa ka kapulong para sa plano sa Dios mao ang grasya.

Ang unang lakang sa paghimaya sa Dios dinhi sa panahon mao ang paggamit sa kanunay sa grasya nga teknik sa rebound. Apan ang grasya sa Dios wala matapos diha sa pagkahimugso-pag-usab ug rebound. Ang paggamit sa rebound mao lamang ang sinugdanan. Ang Dios sa gawasnon misangkap ngadto sa matag Kapanahonan sa Simbahang magtotoo sa mga bintaha ug mga pribilihiyo nga nagpahingangha sa imahinasyon (Mga Taga-Efeso 1:3, 18; 3:20).²⁸ Ang pagkat-on sa paggamit sa grasyang kasangkapan sa Dios kinahanglang mao ang tumong ug katuyoan sa matag magtotoo dinhi sa bahin dos. Ang atong Kristohanong mga kinabuhi dili makaabante ngadto sa pagkahamtong kon wala ang kaalam sa doktrina sa Bibliya isip atong giya. Bugtong ang doktrina sa Bibliya ang magpadayag sa mga bahandi sa plano sa Dios nganhi kanato. Samtang kita moabante gikan sa “mga masuso diha ni Kristo” ngadto sa espirituhanong pagkahamtong, ayha pa nga kita makasugod sa hingpit nga makasabut ug makabuhat sa plano sa Dios dinhi sa bahin dos, para sa Iyang plano nga nagamando kanato sa:

Pagtubo diha sa grasya ug kajibalo sa atong Ginoo ug Manluluwas nga si Jesu-Kristo. Kaniya *ang* himaya, sa karon ug sa adlaw sa eternidad. (2 Pedro 3:18)

28. Ang Kapanahonan sa Simbahan mao ang gitakdang panahon gikan sa Pentekostes (Mga Buhat 1:8) ngadto sa Pagsakgaw sa Simbahan. Tan-awa sa Thieme, *The Divine Outline of History*, 64-66, 79-139.

BAHIN TRES: ANG MAGTOTOO SA ETERNIDAD

Ang bahin tres, eternidad, maoy gigarantiya ngadto sa matag magtotoo (1 Pedro 1:4-5). Sa takna nga ikaw mobiya gikan niining kinabuhia, ikaw maoy “moatubang sa Ginoo” sa kahangturan (2 Mga Taga-Corinto 5:8). Ikaw makadawat og usa ka lawas sa pagkabanhaw diha sa Pagsakgaw, usa ka lawas sama adtong nabanhaw nga Kristo. Ang lawas sa pagkabanhaw wala nay usa ka kinaiyang makasasala (1 Mga Taga-Corinto 15:35-45) ug sa kahangturan magpagawasnon sa magtotoo gikan sa pagkaulipon ug mga dipagkahingpit sa bahin dos. Ang Bibliya nagahulagway sa bahin tres diha niini nga mga pulong:

“Ug Siya magpahid sa matag luha gikan sa ilang mga mata; ug wala na unyay *bisan unsang* kamatayon; wala na unyay *bisan unsang* pagbangutan, o paghilak, o kasakit; ang naunang [karaan] mga butang milabay na.” (Pinadayag 21:4)

Bahin niana diyutay ang mga paghulagway sa langit nga anaa diha sa Bibliya. Bisan pa, gikan adtong hain anaa kita nasayod sa Iyang plano para sa atong waykatapusang umaabot nga maoy labaw pa sa atong pinakamahinamong mga pagpaabot. Ang atong langitnong pinuy-anan nga mga dapit maoy gihulagway isip “mga mansiyon” (KJV) diha sa Juan 14:2. Ang bag-ong Jerusalem, nga manaog “gikan sa langit” (Pinadayag 21:2), maoy gihulagway isip usa ka siyudad sa lunsay nga bulawan nga may kadalananang bulawan, mga pader sa matag matang sa hamiling mga bato, ug mga ganghaan nga mga perlas (Pinadayag 21:16-27).

Dugang pa niini, ang tanang Kapanahonan sa Simbahang mga magtotoo maoy usisahon didto sa paghukum nga

lingkoranan ni Kristo, aron kita mahimong gantihan sumala sa atong “mga binuhatan” (2 Mga Taga-Corinto 5:10). Ang atong mga ganti maoy gitawag og “mga korona.” Kini nga mga korona maoy katingalahan ug waykatapusang mga pahinumdom sa atong bahin dos nga espirituhanong pagtubo ug kamatinuuron diha sa pagbuhat sa plano sa Dios (1 Mga Taga-Corinto 9:24-27; 2 Timoteo 4:7-8; Santiago 1:12; 1 Pedro 5:4; Pinadayag 2:10, 28; 22:16).

“Kay walay tawo nga makapahimutang og usa ka pundasyon gawas lamang sa usa nga maoy gitukod, nga mao si Jesu-Kristo. Karon kon si bisan kinsang tawo ang nagatukod diha sa pundasyon nga bulawan, plata, hamiling mga bato [divine nga kamaayo], kahoy, dagami, uhut [tawhanong kamaayo], matag buhat sa tawo mahimong dayag; kay ang adlaw [paghukum nga lingkoranan ni Kristo] magbutyag niini, tungud kay kini *maoy* ipadayag pinaagi sa kalayo [ang tawhanong kamaayo maoy maugdaw, ang divine nga kamaayo magpabilin]; ug ang kalayo mismo ang magsulay sa kalidad sa matag buhat sa tawo. (1 Mga Taga-Corinto 3:11-13)

Ang paghukum nga lingkoranan ni Kristo mahitabo sa langit human sa pagkabanhaw o Pagsakgaw sa Simbahan. Ang mga sala dili maoy isyu sa paghukum nga lingkoranan ni Kristo tungud kay ang tanang mga sala gihukman na didto sa krus. Hinonoa, ikaw maoy pagahukman kon giunsa nimo pagkinabuhi ang imong Kristohanong kinabuhi ug bisan kon ang imong maayong mga binuhatan madawat ba isip divine nga kamaayo.

Kon ikaw magpahimulus sa imong kinabuhi dinhi sa bahin dos nga gawas sa ubus nga lingin diha sa usa ka kahimtang sa karnalidad, ang tanan nimong maayong mga binuhatan

mao ang ingon sa “kahoy, dagami ug uhut.” Ikaw ba nasayod nga isip usa ka magtotoo diha ni Jesu-Kristo ikaw magkinabuhi uban sa Dios sa kahangturan ug Siya dili motugot og bisan usa ka tawhanong maayong binuhatan didto sa langit? Ang katawhan mahimong magpasidungog kanimo para niadtong mga binuhatan, apan ang Dios dili makadawat sa bisan unsa kanila. Ang tanan nimong tawhanong kamaayo mao ang ugdawon pinaagi sa kalayo, apan Siya dili magsunog kanimo! Ni ikaw makadawat og bisan unsang mga ganti.

Hinoon, kon ikaw mipadayon sa imong espirituhanong kinabuhi sulud sa ubus nga lingin dinhi sa bahin dos ug magtubo ngadto sa espirituhanong pagkahamtong, ang imong produksiyon mao ang “bulawan, plata, ug hamiling mga bato.” Ang imong Kristohanong pangalagad takus isip divine nga kamaayo ug dili gayud maut-ut pinaagi sa kalayo. Tungud kay ikaw mibuhat dinhi sa bahin dos sa plano sa Dios, ikaw makadawat sa imong waykatapusang mga ganti.

HUMAN SA KALUWASAN, UNSA?

Unsa man ang plano sa Dios para kanimo human sa imong personal nga pagtoo diha ni Kristo? Aron sa paghimaya sa Dios dinhi sa panahon—aron matuman ang kalinaw, kalipay, ug katagbawan nga naggikan sa pagkat-on sa doktrina sa Bibliya ug pag-uswag ngadto na sa espirituhanong pagkahamtong (Mga Taga-Roma 12:2). Pinaagi lamang sa pagkat-on sa doktrina sa Bibliya nga ang absolutong kamatuuran sa Pulong sa Dios mahimong sukdanan sa imong konsensiya, pangisip, ug ang gigikanan sa imong panghunahuna.

Ang doktrina sa Bibliya mao ang hunahuna ni Kristo. Sa dihang ikaw makat-on kinsa ug unsa si Kristo, ikaw magsugod sa pag-ambit sa Iyang panghunahuna (1 Mga Taga-Corinto 2:16). Ang Dios nagamando kanimo sa paghunahuna og divine

nga panglantaw aron nga ang Iyang maloloy-ong katuyoan matuman diha sa imong kinabuhi.

Ang Dios magpabilin kanimong buhi human sa kaluwasan aron nga ikaw makatuman sa imong personal nga kapadulngan—nga mahimong usa ka hamtong nga magtotoo isip usa ka pagpadayag sa himaya sa Dios dinhi sa panahon ug eternidad. Isip usa ka hamtong lamang nga magtotoo ikaw sa kanunay makahimaya sa Dios pinaagi sa pagdawat sa kinatas-an ug labing maayo nga Iyang gitagana para kanimo (Mga Taga-Efeso 1:3-6). Ang kalidad ug impresyon sa tawo sa imong kinabuhi dinhi sa yuta ug ang imong mga ganti didto sa langit mag-agad diha sa imong binuhatan dinhi sa bahin dos.

Ikaw mag-abante sa espirituhanon pinaagi sa maka-nunayong pagkat-on, paghunahuna, ug paggamit sa doktrina sa Bibliya. Ang imong malahutayong espirituhanong pagtubo gikan sa doktrina sa Bibliya diha sa imong kalag nagpalapad sa imong katakus para sa kinabuhi, para sa gugma, para sa Kristohanong pangalagad, para sa mga panalangin, para sa kalipay.

“Kay ako nakakat-on nga makontento diha sa bisan unsa nga mga kahimtangan. Ako nasayod unsaon sa pagpakighigala inubanan sa mapaubsanong mga paagi, ug ako usab nasayod unsaon nga magkinabuhi diha sa kaharuhay; diha sa bisan unsa ug sa matag kahimtangan ako nakakat-on sa sekreto sa kabusog ug anaa sa kagutum, ang anaa sa kabuhong ug maingon man sa gikinahanglang kawad-on. Ako makahimo sa tanang mga butang pinaagi Kaniya kinsa nagapalig-on kanako. (Mga Taga-Filipos 4:11b-13).

KATLOAG-SIYAM KA DIMABAKWI NGA MGA ABSOLUTO UG USA KA MABAKWI NGA ABSOLUTO

Gitigum ni Lewis Sperry Chafer
Gisusi pag-usab ni R. B. Thieme, Jr.

DIMABAKWI NGA MGA ABSOLUTO

- I. Ang magtotoo nga nagapuyo diha sa waykatapusang plano sa Dios ug nagaambit sa dadangantan ni Kristo. Siya maoy:
 - A. Daang-nahibaloan (Mga Buhat 2:23; Mga Taga-Roma 8:29; 1 Pedro 1:2).
 - B. Pinili (Mga Taga-Roma 8:33; Mga Taga-Colosas 3:12; 1 Mga Taga-Tesalonica 1:4; Titus 1:1, 1 Pedro 1:2).
 - C. Daang-nadestino (Mga Taga-Roma 8:29-30; Mga Taga-Efeso 1:5, 11).
 - D. Napili (Mateo 22:14; 1 Pedro 2:4).
 - E. Tinawag (1 Mga Taga-Tesalonica 5:24).
- II. Ang magtotoo maoy napasig-uli (pagtangtang sa babag tali sa tawo ug sa Dios):²⁹
 - A. Pinaagi sa Dios (2 Mga Taga-Corinto 5:18-19; Mga Taga-Colosas 1:20).
 - B. Ngadto sa Dios (Mga Taga-Roma 5:10; 2 Mga

29. Thieme, *The Barrier*.

Taga-Corinto 5:20; Mga Taga-Efeso 2:14-17).

- III. Ang magtotoo maoy gitubus, gipalit gikan sa merkado sa mga ulipon sa sala³⁰ (Mga Taga-Roma 3:24; Mga Taga-Colosas 1:14; 1 Pedro 1:18).
- IV. Ang pagsilot sa magtotoo, o waykatapusang paghukum, maoy gitangtang (Juan 3:18; 5:24; Mga Taga-Roma 8:1).
- V. Ang mapulihon nga espirituhanong kamatayon ni Kristo didto sa krus mibayad sa silot para sa tanang mga sala (Mga Taga-Roma 4:25; Mga Taga-Efeso 1:7; 1 Pedro 2:24).
- VI. Ang matag magtotoo magdawat og pagpasig-uli para sa mga sala; ang Dios nga Amahan maoy natagbaw sa buhat sa Iyang Anak (Mga Taga-Roma 3:25-26; 1 Juan 2:2; 4:10).
- VII. Ang magtotoo maoy patay ngadto sa daang kinabuhi, ang kinaiyang makasasala, apan buhi ngadto sa Dios, mabalikong posisyonal nga kamatuuran. Siya maoy:
 - A. Gilansang uban ni Kristo (Mga Taga-Roma 6:6; Mga Taga-Galacia 2:20).
 - B. Namatay uban ni Kristo (Mga Taga-Roma 6:8; Mga Taga-Colosas 3:3; 1 Pedro 2:24).
 - C. Gilubong uban ni Kristo (Mga Taga-Roma 6:4; Mga Taga-Colosas 2:12).
 - D. Nabanhaw uban ni Kristo, karon nga posisyonal nga kamatuuran (Mga Taga-Roma 6:4; 7:4; Mga Taga-Colosas 2:12; 3:1).
- VIII. Ang magtotoo maoy gawasnon gikan sa Balaod ni Moses. Siya maoy:
 - A. Patay ngadto sa Balaod (Mga Taga-Roma 7:4).
 - B. Gitubus (Mga Taga-Roma 6:14; 7:6; 2 Mga Taga-Corinto 3:6-11; Mga Taga-Galacia 3:25).

30. Thieme, *Slave Market of Sin*.

- IX. Ang magtotoo maoy nahimugso-pag-usab (Juan 13:10; 1 Mga Taga-Corinto 6:11; Titus 3:5). Siya maoy:
 - A. Natawo pag-usab (Juan 3:7; 1 Pedro 1:23).
 - B. Usa ka anak sa Dios (Mga Taga-Roma 8:16; Mga Taga-Galacia 3:26).
 - C. Usa ka anak sa Dios (Juan 1:12; 2 Mga Taga-Corinto 6:18; 1 Juan 3:2).
 - D. Usa ka bag-ong binuhat (2 Mga Taga-Corinto 5:17; Mga Taga-Galacia 6:15; Mga Taga-Efeso 2:10).
- X. Ang magtotoo maoy gisagup sa Dios, gibutang isip usa ka hingkod nga anak tungud sa posisyonal nga kamatuuran (Mga Taga-Roma 8:15, 23 sa pagkabanhaw; Mga Taga-Efeso 1:5).
- XI. Ang magtotoo maoy gihimong madawat ngadto sa Dios (Mga Taga-Efeso 1:6; 1 Pedro 2:5). Siya maoy:
 - A. Gihimo nga matarong pinaagi sa impyutasyon (Mga Taga-Roma 3:22; 1 Mga Taga-Corinto 1:30; 2 Mga Taga-Corinto 5:21; Mga Taga-Filipos 3:9).
 - B. Sa posisyonal nga gilain (1 Mga Taga-Corinto 1:30; 6:11).
 - C. Giperpekto sa kahangturan (Mga Hebreohanon 10:14).
 - D. Sarang para sa panulundon (Mga Taga-Colosas 1:12).
- XII. Ang magtotoo maoy nahitarong, gipadayag nga matarong (Mga Taga-Roma 3:24; 5:1, 9; 8:30; 1 Mga Taga-Corinto 6:11; Titus 3:7).
- XIII. Ang magtotoo magdawat og talagsaon nga pagkamagamit sa divine nga gahum (2 Pedro 1:3).
- XIV. Ang magtotoo maoy gigarantiyahan og usa ka langitnong pagkalungsuranon pinasikad sa panag-uli (Lukas 10:20; Mga Taga-Efeso 2:14-19; Mga Taga-Filipos 3:20).
- XV. Ang magtotoo maoy gitubus gikan sa gingharian ni

Satanas (Mga Taga-Colosas 1:13a; 2:15).

- XVI. Ang magtotoo maoy gibalhin ngadto sa gingharian sa Dios (Mga Taga-Colosas 1:13b).
- XVII. Ang magtotoo maoy anaa na karon sa usa ka siguro nga patukuranan (1 Mga Taga-Corinto 3:11; 10:4; Mga Taga-Efeso 2:20).
- XVIII. Ang matag magtotoo maoy usa ka gasa gikan sa Dios nga Amahan ngadto ni Kristo (Juan 10:29; 17:2, 6, 9, 11-12, 24).
- XIX. Ang magtotoo maoy sa posisyonal nga gitubus gikan sa gahum sa kinaiyang makasasala (Mga Taga-Roma 8:2; Mga Taga-Filipos 3:3; Mga Taga-Colosas 2:11).
- XX. Ang matag magtotoo maoy gitudlo isip usa ka pari ngadto sa Dios. Kita maoy:
 - A. Usa ka balaan nga pagkapari (1 Pedro 2:5, 9).
 - B. Usa ka harianong pagkapari (1 Pedro 2:9; Pinadayag 1:6).
- XXI. Ang magtotoo magdawat og waykatapusang seguridad (Juan 10:28-29; Mga Taga-Roma 8:32, 38-39; Mga Taga-Galacia 3:26; 2 Timoteo 2:13).
- XXII. Ang magtotoo maoy gihatagan og higayon pagduul ngadto sa Dios (Mga Taga-Roma 5:2; Mga Taga-Efeso 2:18; Mga Hebreohanon 4:16; 10:19-20).
- XXIII. Ang matag magtotoo maoy sulud sa “labi pa” nga grasyang pag-amuma sa Dios (Mga Taga-Roma 5:9-10). Kita maoy:
 - A. Mga tumong sa Iyang gugma (Mga Taga-Efeso 2:4; 5:2).
 - B. Mga tumong sa Iyang grasya.
 - 1. Para sa kaluwasan (Mga Taga-Efeso 2:8-9).
 - 2. Para sa pagbantay (Mga Taga-Roma 5:2; 1 Pedro 1:5).
 - 3. Para sa pag-alagad (Juan 17:18; Mga Taga-Efeso 4:7).

4. Para sa pagtudlo (Titus 2:12).
 - C. Mga tumong sa Iyang gahum (Mga Taga-Efeso 1:19; Mga Taga-Filipos 2:13).
 - D. Mga tumong sa Iyang pagkamatinumanon (Mga Taga-Filipos 1:6; Mga Hebreohanon 13:5b).
 - E. Mga tumong sa Iyang kalinaw (Juan 14:27).
 - F. Mga tumong sa Iyang kahupayan (2 Mga Taga-Tesalonica 2:16).
 - G. Mga tumong sa Iyang pangamuyo (Mga Taga-Roma 8:34; Mga Hebreohanon 7:25; 9:24).
- XXIV. Ang magtotoo mao ang hinatagan sa usa ka panulundon isip usa ka manununod sa kabilin sa Dios ug kaubang-manununod sa kabilin ni Kristo (Mga Taga-Roma 8:17; Mga Taga-Efeso 1:14,18; Mga Taga-Colosas 3:24; Mga Hebreohanon 9:15; 1 Pedro 1:4).
- XXV. Ang matag magtotoo adunay usa ka bag-ong posisyon diha ni Kristo (Mga Taga-Efeso 2:6). Kita maoy:
- A. Mga kauban ni Kristo sa kinabuhi (Mga Taga-Colosas 3:4).
 - B. Mga kauban ni Kristo sa pag-alagad (1 Mga Taga-Corinto 1:9).
 1. Mga trabahador kauban sa Dios (1 Mga Taga-Corinto 3:9; 2 Mga Taga-Corinto 6:1).
 2. Mga sulugoon sa Bag-ong Kasabutan (2 Mga Taga-Corinto 3:6).
 3. Mga embahador (2 Mga Taga-Corinto 5:20).
 4. Buhing mga epistola (2 Mga Taga-Corinto 3:3).
 5. Mga sulugoon sa Dios (2 Mga Taga-Corinto 6:4).
- XXVI. Ang mga magtotoo maoy mga tagdawat sa waykatapusang kinabuhi (Juan 3:15; 10:28; 20:31; 1 Juan 5:11-12).
- XXVII. Ang magtotoo maoy gibuhath nga usa ka bag-ong

espirituhanong kaliwatan (2 Mga Taga-Corinto 5:17).

XXVIII. Ang magtotoo maoy usa ka kahayag diha sa Ginoo, bahin sa anghelanong away³¹ (Mga Taga-Efeso 5:8; 1 Mga Taga-Tesalonica 5:4-5).

XXIX. Ang magtotoo maoy nahiusa uban sa Amahan, Anak, ug Balaang Espiritu. Kita maoy:

A. Diha sa Dios (1 Mga Taga-Tesalonica 1:1; cf. “Dios anaa kanimo,” Mga Taga-Efeso 4:6);

B. Diha ni Kristo (Juan 14:20; cf. “Si Kristo anaa kanimo,” Mga Taga-Colosas 1:27);

1. Usa ka myembro diha sa Iyang Lawas (1 Mga Taga-Corinto 12:13).

2. Usa ka sanga diha sa Parras (Juan 15:5).

3. Usa ka bato diha sa Katukuran (Mga Taga-Efeso 2:21-22; 1 Pedro 2:5).

4. Usa ka karnero diha sa Panon (Juan 10:27-29).

5. Usa ka bahin sa Iyang Pangasaw-onon (Mga Taga-Efeso 5:25-27; Pinadayag 19:6-8; 21:9).

6. Usa ka pari sa gingharian sa kaparian (1 Pedro 2:9).

C. Diha sa Balaang Espiritu (Mga Taga-Roma 8:9; “ang Espiritu anaa kanimo”).

XXX. Ang matag magtotoo mao ang tagdawat sa mga ministeryo sa Balaang Espiritu. Siya maoy:

A. Natawo sa Espiritu (Juan 3:5-8).

B. Gibawtismohan uban ang Espiritu (Mga Buhat 1:5; 1 Mga Taga-Corinto 12:13).

C. Gipuy-an sa Espiritu (Juan 7:39; Mga Taga-Roma 5:5; 8:9; 1 Mga Taga-Corinto 3:16; 6:19; Mga Taga-Galacia 4:6; 1 Juan 3:24).

D. Giselyohan sa Espiritu (2 Mga Taga-Corinto 1:22; Mga Taga-Efeso 4:30).

31. Thieme, *Anti-Semitism* (2003), 10-12, 87-91, 93-95, 101-4.

- E. Gihatagan og espirituhanong mga gasa (1 Mga Taga-Corinto 12:11, 27-31; 13:1-2).
- XXXI. Ang magtotoo maoy nahimaya (Mga Taga-Roma 8:30).
- XXXII. Ang magtotoo maoy kompleto diha ni Kristo (Mga Taga-Colosas 2:10).
- XXXIII. Ang magtotoo maoy taghuput sa matag espirituhanong panalangin nga gihatag diha sa milabay nga eternidad (Mga Taga-Efeso 1:3).
- XXXIV. Ang magtotoo magdawat og usa ka tawhanong espiritu kuyog sa Balaang Espiritu (Mga Taga-Roma 8:16; 1 Mga Taga-Corinto 2:12; 2 Mga Taga-Corinto 7:13; 1 Mga Taga-Tesalonica 5:23).
- XXXV. Ang tanang mga sala ug mga kalapasan sa magtotoo gipapas³² (Isaiah 43:25; 44:22).
- XXXVI. Ang magtotoo mao ang tagdawat sa epektibong grasya (Mga Taga-Efeso 1:13).
- XXXVII. Ang magtotoo maoy gigarantiyahan og usa ka lawas sa pagkabanhaw sa kahangturan (1 Mga Taga-Corinto 15:40-54).
- XXXVIII. Ang magtotoo mao ang hinatagan sa dilimitadong panghimayad (2 Mga Taga-Corinto 5:14-15, 19; 1 Timoteo 2:6; 4:10; Titus 2:11; Mga Hebreohanon 2:9; 2 Pedro 2:1; 1 Juan 2:2).
- XXXIX. Ang magtotoo adunay pareho nga pribilihiyo ug pareho nga higayon ubus sa pagpili ug gipahilunang-kapalaran (Mga Taga-Roma 12:3; Mga Taga-Efeso 3:16-19).

32. Thieme, *Reversionism*.

MABAKWI NGA ABSOLUTO

- XL. Ang magtotoo maoy napuno sa Balaang Espiritu sa takna sa kaluwasan (Mga Taga-Galacia 3:3). Ang pagpuno sa Balaang Espiritu nga madawat sa kaluwasan maoy mabakwi sa dihang ang magtotoo makasala. Ang pagpuno sa Balaang Espiritu maoy mabawi sa dihang ang magtotoo magrebound.

Timan-anan sa Kasulatan

KARAANG TESTAMENTO

EXODO

20:13-15	14
20:17	14

DEUTERONOMIO

15:11	17
-------------	----

MGA SALMO

14:1	2
37:24	32
51:4	36
53:1-2	2

ISAIAH

30:18	6
43:25	50
44:22	50
58:7	17
58:10	17
64:6	6,18

EZEKIEL

18:7-8	17
18:16-17	17

BAG-ONG TESTAMENTO

MATEO

1:18.....	11	15:5.....	49
22:14.....	44	17:2.....	47
26:11.....	17	17:6.....	47

LUKAS

10:20.....	46	17:9.....	47
		17:11-12.....	47
		17:18.....	47
		17:24.....	47
		20:31.....	48

JUAN

1:12.....	7,25,46
3:3-8.....	24
3:5-8.....	49
3:6.....	24
3:7.....	24,46
3:15.....	48
3:16.....	7
3:18.....	45
3:36.....	7
5:24.....	45
7:39.....	49
8:12.....	5
8:44.....	17
10:27-29.....	49
10:28.....	32,48
10:28-29.....	47
10:29.....	47
13:10.....	46
14:2.....	40
14:20.....	49
14:26.....	24
14:27.....	48

MGA BUHAT

1:5.....	49
1:8.....	39
2:1.....	24
2:23.....	44
4:12.....	7
10:34-35.....	22
16:31.....	7

MGA TAGA-ROMA

3:12.....	6
3:21-22.....	25
3:22.....	46
3:23.....	6
3:24.....	45,46
3:25-26.....	45
4:25.....	45
5:1.....	46
5:2.....	47
5:5.....	49
5:9.....	46
5:9-10.....	47

5:10.....	44
5:12.....	6,10,11
6:4.....	45
6:6.....	11,45
6:8.....	45
6:14.....	45
6:23.....	6
7:4.....	45
7:5.....	11
7:6.....	45
7:8-20	11
7:14-25	23
7:18.....	11
8:1.....	45
8:2.....	47
8:3-4	11
8:9.....	49
8:10-11.....	24
8:15.....	46
8:16.....	46,50
8:17.....	48
8:23.....	46
8:29.....	44
8:29-30	44
8:30.....	46,50
8:32.....	47
8:33.....	44
8:34.....	48
8:38-39	25,29,31,47
12:2.....	42
12:3.....	50
13:9.....	14
13:13.....	15
16:25.....	24

1 MGA TAGA-CORINTO

1:9.....	48
1:30.....	46
2:12.....	50
2:12-13	31
2:16.....	23,42
3:1.....	29
3:2.....	32
3:3.....	31,33,34
3:9.....	48
3:11.....	47
3:11-13.....	41
3:11-15.....	18
3:16.....	24,49
6:11.....	46
6:19.....	24,49
9:24-27	41
10:4.....	47
11:23.....	36
11:26.....	36
12:11.....	50
12:13.....	49
12:27-31	50
13:1-2	50
15:22.....	6
15:35-45	40
15:40-54	50

2 MGA TAGA-CORINTO

1:22.....	49
3:3.....	48
3:6.....	48
3:6-11.....	45

5:8.....	40	1:19.....	48
5:10.....	41	2:1.....	6,11,24
5:14-15	50	2:4.....	47
5:17.....	25,46,49	2:5.....	24
5:18-19	44	2:6.....	48
5:19.....	50	2:7.....	24
5:20.....	45,48	2:8-9	19,24,47
5:21.....	7,23,25,46	2:10.....	19,46
6:1.....	48	2:14-17	45
6:4.....	48	2:14-19	46
6:18.....	46	2:18.....	47
7:13.....	50	2:20.....	47

MGA TAGA-GALACIA

2:20.....	45	3:16-19	50
3:3.....	51	3:20.....	39
3:25.....	45	4:6.....	49
3:26.....	25,29,46,47	4:7.....	47
4:6.....	49	4:22.....	11
5:16.....	23	4:30.....	49
5:16-18	38	5:2.....	47
5:19-21	31	5:8.....	49
6:15.....	46	5:18.....	24,25,30,31,38,49
		5:25-27	49

MGA TAGA-EFESO

1:3.....	39,50
1:3-6	43
1:5.....	44,46
1:6.....	46
1:7.....	45
1:10.....	24
1:11.....	44
1:13.....	50
1:14.....	48
1:18.....	39,48

MGA TAGA-FILIPOS

1:6.....	48
2:13.....	48
3:3.....	47
3:9.....	25,46
3:20.....	46
4:11-13.....	43

MGA TAGA-COLOSAS

1:12.....	46
1:13.....	47

1:14.....45
1:20.....44
1:25-2624
1:27.....49
2:10.....50
2:11.....47
2:12.....45
2:15.....47
3:1.....45
3:3.....45
3:4.....48
3:12.....44
3:24.....48

1 MGA TAGA-TESALONICA

1:1.....49
1:4.....44
5:4-549
5:23.....50
5:24.....44

2 MGA TAGA-TESALONICA

2:16.....48

1 TIMOTEO

2:6.....50
4:10.....50
5:23.....15

2 TIMOTEO

1:9.....17
2:13.....47
4:7-841

TITUS

1:1.....44
2:11.....50
2:12.....48
3:5.....19,24,46
3:7.....46

MGA HEBREOHANON

2:9.....50
4:12.....1
4:16.....36,47
6:17.....36
6:20.....36
7:1.....36
7:3.....36
7:25.....48
9:15.....48
9:24.....48
10:14.....46
10:19-2047
12:6-738
13:5.....48

SANTIAGO

1:12.....41
2:15-1717
3:5-614

1 PEDRO

1:2.....44
1:4.....48
1:4-540
1:5.....47
1:18.....45
1:23.....46

2:4.....	44	2:2.....	7,45,50
2:5.....	46,47,49	3:2.....	46
2:9.....	36,47,49	3:17.....	17
2:22.....	11	3:24.....	49
2:24.....	7,37,45	4:10.....	45
3:18.....	7	4:13-15	24
5:4.....	41	5:11-12.....	48

2 PEDRO

1:3.....	38,46
1:3-4	23
1:8.....	38
2:1.....	50
3:18.....	23,36,39

1 JUAN

1:8.....	26
1:9.....	24,31,35-38
1:10.....	26

PINADAYAG

1:6.....	47
2:10.....	41
2:28.....	41
19:6-8	49
20:12.....	17
21:2.....	40
21:4.....	40
21:9.....	49
21:16-27	40
22:16.....	41

SUKARANON NGA MGA LIBRO NI R. B. THIEME, JR. GIREKOMENDAR NGA HAN-AY

The Plan of God
The Trinity
Slave Market of Sin
The Barrier
Rebound & Keep Moving
Isolation of Sin
The Faith-Rest Life
God the Holy Spirit vs. The Sin Nature
Mental Attitude Dynamics
Heathenism
Divine Guidance
Prayer
Witnessing
The Prodigal Son

SA DOKTRINA NGA MGA PAGTOON SA BIBLIYA

Doktrina sa Bibliya, ang unud sa pagpanudlo gikuha gikan sa usa ka literal nga interpretasyon sa mga Kasulatan, mao ang sukaranan para sa espirituhanong kamatuuran. Ang pagtoon sa Bibliya nagsangkap og espirituhanong pangpabaskog para sa Kristohanon (Mateo 4:4).

Ang kamahinungdanon sa doktrina sa Bibliya dili mahimong ibaliwala (Mga Salmo 138:2). Ang Dios nagmando sa Kristohanon aron sa kahiladman nahiusab (Mga Taga-Roma 12:2). Kini nga pagkausab nagkinahanglan og usa ka adlaw-adlaw nga pagbag-o sa hunahuna pinaagi sa pagkat-on ug paggamit sa Pulong sa Dios (2 Mga Taga-Corinto 4:16; Mga Taga-Efeso 4:23).

Sa daghang katuigan ang sa doktrina nga mga klase sa Bibliya nga gitudlo pinaagi ni R. B. Thieme, Jr., misangkap og adlaw-adlaw nga espirituhanong pagkaon para sa iyang kongregasyon. Mga publikasyon, DVDs, ug MP3 CDs maoy anaa sa walay bayad o obligasyon. Usa ka *Sa Doktrina nga mga Pagtoon sa Bibliya nga Katalogo* maoy ihatag diha sa paghangyo.

R. B. THIEME, JR., BIBLE MINISTRIES

P.O. Box 460829


HOUSTON, TEXAS 77056-8829

www.rbthieme.org

713-621-3740

Si ROBERT B. THIEME, JR. (1918-2009) nagpabilin nga usa ka mahinungdanong tingog sa Kristiyanismo sa tibuuk kalibutan. Ang iyang makugihon, mapatin-awong pagpanudlo maoy gibasi diha sa orihinal nga mga pinulongan sa Kasulatan sumala sa makasaysayanong konteksto nga ang Bibliya nahasulat. Ang iyang binag-o nga mga sistema sa bokabularyo, mga ilustrasyon, ug bibliyanhong mga kategoriya sa klaro nga nagpahayag sa dimasayup nga mga kamatuuran sa Pulong sa Dios. Si Thieme nakarekord og kapin sa napulog-usa ka libo ka mga oras sa mga sermon ug nakamantala og kapin sa usa ka gatus ka mga libro og naglukup hapit sa Bibliya.

Si Thieme migraduwar sa University of Arizona (Phi Beta Kappa) ug Dallas Theological Seminary (summa cum laude). Ang iyang seminaryo nga mga pagtoon maoy napakgang tungud sa Ikaduhang Gubat sa Kalibutang militar nga serbisyo atol nga siya misaka ngadto sa ranggo nga tenyente koronel diha sa United States Army Air Corps. Pagkahuman sa iyang nagpadayon-pagtoon nga buhat sa 1950, siya nahimong pastor sa Berachah Church sa Houston, Texas. Ang iyang malukopon nga pagbansay sa Griyego, Hebreyo, teyolohiya, kasaysayan, ug mahitungud sa teksto nga panuki misangkap og pundasyon para sa iyang masuknaong propesyonal nga kinabuhi sa pagtoon ug pagpanudlo sa Pulong sa Dios. Si Thieme miretiro isip pastor sa Berachah Church human sa singkuwentay-tres ka katuigan sa matinud-anong serbisyo.



Hinulagway ni Robert Becker

Ang Plano sa Dios

kaluwasan, ug ang mga bahandi nga Siya anaa nga naghulat para sa imong waykatapusang umaabot didto sa langit. Sa takna nga ikaw motoo ni Kristo ikaw dihadiha mag-ambit sa Iyang kinabuhi ug padulngan. Apan para kanimo sa pagkab-ot sa kahibulungang kalinaw, kalipay, ug katagbawan nga ang Dios miplano para sa imong kinabuhi sa kalibutan, ikaw kinahanglang magtoon sa doktrina sa Bibliya ug magtubo ngadto sa espirituhanong pagkahamtong. Ang Bibliya nagasangyaw sa Pulong sa Dios ngadto kanimo aron nga ang absoluto nga kamatuuran mahimong sukdanan sa imong konsensiya, ang gigikanan sa imong panghunahuna, ug ang pangpadasig sa imong kinabuhi.

Gigamham sa Balaang Espiritu ug armado sa doktrina sa Bibliya ikaw makatuman sa imong padulngan sa paghimaya sa Dios. Ikaw makadawat sa kinatas-an ug kinamaayohan nga Siya mihatag para kanimo. Ang imong makanunayong espirituhanong pagtubo gikan sa doktrina sa Bibliya diha sa imong kalag magbuhat og kapasidad para sa kinabuhi, para sa gugma, para sa Kristohanong pag-alagad, para sa panalangin, para sa kalipay.

Ang Dios nakalaraw og disenyo sa kapanahonan, ang perpekto nga plano para kanimo sa personal. Ang imo lamang buhaton mao ang pagsabot sa Iyang maloloy-ong tanyag ug pagkuput sa waykatumbas nga higayon para sa usa ka kinabuhi sa kahulugan, katuyoan, ug katin-awan.

nagapadayag sa pagsangkap sa Dios para sa imong kaluwasan, Iyang katuyoan para sa imong pagkaanaa human sa